

مداومین ملکیه کتبخانه سی

عدد ۶

حکمت حقوق اسلامی

مؤلفی

مکتب ملکه حکمت اسلامیہ ، مکتب حقوق مجله و مکتب سلطانی
علم کلام معلمی بایزید در سعاد لرندن

محمد فہمی (Sapranbolulu) Ulgen

طابع و ناشری

احمد خالہ

کتابخانہ

کتابخانہ



استانبول

مطبعہ کتب خانہ

۱۳۲۹

صفحہ	سطر	خطا	صواب
۹۹	۵	ناقہ نک	ناقہ نک
۹۹	۱۲	دور	دور
۹۹	۱۶	یرتاو	یرتاو
۱۰۰	۱	وتقریب	وتقریب
۱۰۰	۲	ایضا	ایضا
۱۰۱	۱۳	قوتلی	قوتلی ،
۱۰۲	۸	صلاہ	صلاہ
۱۰۲	۱۲	متین	متین
۱۰۴	۴	کائن	کائن
۱۰۸	۱۰	صمنندہ	صمنندہ
۱۱۱	۱۵	اکری	اکریخی
۱۱۱	۱۶	اوغرامق	اوغرامق
۱۱۴	۱۹	استناراً	استناراً
۱۱۴	۱۹	ناراً	ناراً
۱۲۲	۱۴	بعیدہ	بعیدہ

ISTANBUL	
Y. Islâm Enstitüsü Kütüphanesi	
Kayıt No.	
Konu No.	

بِسْمِ اللَّهِ الرَّحْمَنِ الرَّحِيمِ

دین

دین ؛ ارباب عقل واذعان طریق حقہ سوق ایچون وضع ایدلمش بر قانون الہیدرکہ تأسیس ایلدیکی قواعد طبایع اشیایہ موافق ، اخبار ایلدیکی حقائق نفس الامرہ مطابقدر .

دین ؛ انسانک حیاتندہ تابع اولاجنی قواعد اخلاقیہ واجتماعیہ بی تعلیم ایلہ سعادت مادیہ سنی ومعادینہ عالم امور ووظائفی تلقین ایدہرک سعادت معنویہ سنی تأمین ایدر وکالات بشریہ آنجق دین ایلہ تمام اولور .

ادیان موجودہ ایچندہ اتم واکمل اولان دین ، خاتمہ ادیان اولان دین اسلامدر .

دین اسلام ؛ (ما من مولود الا و قد یولد علی فطرة الاسلام)

حدیث شریفی مقتضاسنجه نوع بشر ایچون بر دین فطریدر . دین فطری دیمک ؛ انسان او دین ایلہ متدین بولونمق قابلیتندہ یارادیلیر دیمکدر کہ هیچ بر دین تربیه می آلامش اولان بر عقل سلیم صاحبک سوق طبیعیسیله کنیدیسنی تابع

ایکی سوز:

مداومین ملکیه کتبخانه سنک آلتنجی عددینی تشکیل ایدن « حکمت حقوق اسلامیه » نك قیمت واهمیتنی اثبات ایچون مقررذی قدرتک علوانمینی ذکر ایلک کفایت ایدراعتقادندہ یم . شیمدی به قدر معلمین محترمه نك تدریس و تقریر بویوردقلری دروس مهمه و مفیده بی کتاب شکلنده چیقارہرق رفقای محترمه به بر سهولت تأمیننه بذل مقدرت ایلدکده ایدم . بو کره « حکمت حقوق اسلامیه » تقریرلرینی دخی طبع و تمثیل ایدہرک حیز استفاده به وضع ایتکی مناسب کوردیکمدن و سائرلری کبی محدودالمقدار طبع ایدیلہرک یالکیز مکتب ملکیه مداومیننه حصرتنی ده تجویز ایدہمدیکمدن ، اخوان دینمک تأمین استفاده لری مقصد مبجایله خارجده ده توزیعنی شدتله ارزو ایلہ مشدم . تمنیات ناچیزانه می دریغ بیورمیه جقارندن قطمیا امیدوار بولوندیغم موجب فیض و عرفانم ، مربی حس و وجدانم معلم فضائلندم فهمی افندی حضرتلرینه ارزوی خالصانه می عرض وایضاح ایلہدم . حسن موافقت بویوردیلر . ذات کالاتپروریلرینه قارشی مدیون و متحسین اولدیغم شکران و محمدتی بووسیله حسن ایلده ده علناً بیان و یفا ایدر . ووطن و ملت مزه بر فائده حقیقیه تأمین ایدہرک اولان بواثر قیمتدارک طبع و تمثیلنه عاجز بر واسطه اولمغله ده کسب افتخار ایلہرم . « ومن الله التوفيق »

احمد خالید

قیلاجنی شی قواعد دین اسلامدر . چونکه احکام اسلامیه تمامیه قوانین عقلیه واحوال طبیعیه موافقدر .

دینده عقل وطبعك استبعاد ایده چکی هیچ برشی یوقدر . مثلاً روما قانونلرنده موجود اولان ، داینه مدیونك شخصنی صاتمق حق کبی ، غیر طبیعی برشی موجود دکدر . شوحالده دین اسلام ، انسانلرك سعادت دنیویه و اخروییه سنی تأمین ایدن قواعدك مجموعی دیمکدر .

اوروپالیلر « دین » دینلیمی بوندن یالکز قواعد اخلاقیه آکلایور و دینی قواعد اخلاقیه دن عبارت ظن ایدیورلر . بوایسه دوغری دکدر . چونکه قواعد اخلاقیه هیچ بروقت جمعیت مدنییه بی اداره ایتک مزیتنی حائز اولاماز . زیرا اخلاق حقوق ووظائفدن بحث ایتمز ، یالکز آناره رعایتی توصیه ایدر . جمعیت مدنییه بی اداره ایسه اجرایی قطعی و مجبوری برطاقم قوانین ایله اولور .

دیندن عبارت فرض اولونان اخلاق ترقیات مدنییه واحتیاجات مادیه نك متوقف بولوندیغی فعالیتیه خلل کتره جك قواعد استناد ایدرسه آکا اتباع ورعایت اونامیه جنی طبعیدر . چونکه ترقیات مدنییه واحتیاجات مادیه انسانده قطعی تاثیردر . بوتأثیر ایله خالقده اوقواعد اتباع ایتک میلی آزالدجه اعتقاده ضعف

طاری اولمغه باشلار .

ایشته خرسیتیانلرک آوروپاده ترقیات مدنییه نسبتنده ضعف وانحطاطه اوغرامه سی و بلکه انقراضه یوزطوتمش اولمسی بوندندر . زیرا خرسیتیانلق انسانی عزلت وسکونه دعوت ایدر ، ترقیات مدنییه ایسه فعالیت مشترکه ومستمره نك آثاریدر .

دیانت مسیحیه ، صالح ومسالمت اوزره قورولمش ، قصاصی قالدیرمش ، شخصی ، جنسی ، دینی هرنوع منازعاتی منع ایله مش ، ملکی ، سلطنتی ، دنیایی ودنیایه عائد احتشاماتی آتمشدر . مثلاً شو : « صاغ یناغنه اوران آدمه صول یناغکی ده طوت » سوزی انجیلک وصایه سی جمله سندندر .

دیانت اسلامیه ده ایسه غایه وشوکت آرامق قوانینه مخائف کلن هیچ برشیئه التفات ایلمه مک ، هانکی قوه حاکمه اولورسه اولسون احکامنی تنفیذ ایلک کبی اساسلر اوزرینه تأسس ایلشدر . [واعدوا لهم ما استطعتم من قوة...] آیت جلیله سنی

تأمل ایدنلر یقیناً اکلارلرکه بودین ایله حقیقی اولارق متدین بولونانلر اقوام سائرهنك تغلب واستیلاسنه بویون اتمک شویله دورسون بوتون دنیایه غلبه ایتک میلی وبومیلی تسکین ایچون طاقت بشرك مساعد اولدیغی مرتبه چالیشمق هوسنی پرورده ایدرلر .

هر درلو حقایق آروبا تألیفاتند آرایانلردن بر طاقلری
دین اسلامیه خرسیتیان دینی کبی اخلاق قواعدندن
عبارت ظن ایتدکلرندن خلقك انتشار معارفه انتباهی تزیاد ایتدکجه
دین اسلامك ضعف و انحطاطه او غرایه جفنه حکم ایدر لر . بو حکمك
ابتنا ایتدیکی ظن فاسد اولدیغندن حکم ده باطلدر . بالعکس
مسلمانلر بیننده معارف ترقی و انتباه تزیاد ایتدکجه ایمان و اعتقالاتی ده
کسب قوت ایده جك حکم و دقائق دینی و معالی اسلامیه ده از یاده
وضوح و انکشاف پیدا ایلیه جکدر . مروزمانه دینك منبعك
قورومسی شویله دورسون افکار خالق تنور و فلسفه ترقی ایتدکجه
او منبع ده از یاده فیضان ایده جکدر .

دین باعث سعادت دارین اولدینی حاله نهدن مسلمانلر
ضعف و تنزلده ، خرسیتیانلر و آوروپا خاقی قوت و ترقیده در لر ؟
دیه ایراد اولونا حق سؤاله بوجه آتی جواب ویریلیر .

شویله که ؛ ماضیده کی تاریخ ملله واقف و حال حاضرده کی
اقوام اممك احوال و حرکاته مطلع اولانلر بیلیرلر که ارتقاء ملل
ویا انقراض دول بر عادت الهیه اوزرینه جاری اولا کلمشدر .
اوده طریق ترقیه سالك اولانلر کرك مؤمن کر کسه مشرك
بولونسون البته ترقی ایدر لر . طریق عطالت و تدنییه ذاهب اولانلر
ایسه نه دینده بولونورسه بولونسونلر مسکین و ذلیل اولور لر .

شو حالده عزت و ذات دینك تأثیراتندن دکل بلکه فعالیت
ویا عطالتك ایجاباتسنددر . نته کیم ژاپونیا لیلر بر قوم وشی
بولوندقلری حالده نشر علومه اعتنا و معارف و صنایعه اعتبار
ایلدکلرندن آز بر زمانده تعالی و ترقی ایدوب قوی الشکیمه بر دولت
تشکیل ایتمشلر در .

ملل اسلامیه ایسه رؤسا و حکمدار لرینك استبداد لرینه
سرفرو ایدوب عطالت اوزره قالمشلر و مقتضای دینلری اولان
سعی و اجتهادی ترك ایتلری حسیله کندیلاری ذلت و مسکنته
و دولت و حکومتلری ده ضعف و انحطاطه دوچار اولا کلمشدر .
حال بو که امت اسلامیه بدایتنده بر حزب قایل اوله رق نشأت ایتمش،
مهماتی مفقود ، سلاح و لوازمی محدود بولونمش ایکن خارق-
العاده ابراز ایلدکلری اقوام و ملتلری سایه سنده شان و شوکت ،
رفت و شرفك الیوکسك طبقه لرینی اشغال ایله مشلر در .
سبیل ترقیسنه سد چکمك ایستیان اقوامی دویرمش ، پك چوق
فتوحات و فیوضاته مظهر اوله کلمشدر . بوکون ایسه عدلری
یوزلرله میلیونه بالغ اولدقلری حالده عطالت وجه التلری و
حکمدار لرینك استبداد و ظلمی سیئه سیله مملکتلری یغما ایدیلیور ،
ماملکلری اللرندن آلنیور . وقتیه زیر حمایه لرنده بولنان اقوام
بوکون انلره تغلب ایدیور ، بوکون امتك نه سوزی مسیموع

نده امری مطاع اولیورکه: [ان الله لا یغیر بقوم حتی یغیروا

ما بانفسهم] آیت کریمه سنک حکم منیفی تظاهر ایدیور .

بو آیت کریمه ده جناب حق بر قومک نائل اولدینی رفاه و نعمتدن

دور اوله رق محن و شدائدو دوچار اولمیرینه انجق کندیلری

سببیت و یردیکنی بیان صددنده بیوریورکه [بر قوم نفسارنده کی

حالی تغیر ایتدکجه الله او قومک حالی تغیر ایتمز :] یعنی بر

قوم متصف بولدقاری اعمال صالحه یی ، متحلی اولدقاری فضائل

اخلاقیه یی ترک و تبدیل ایتدکجه جناب حق او قومک نعمت

وعافیتنی ورفاه و آسایشنی تبدیل و تغیر ایلز . خلاصه بر قوم

دوچار مذلت و نکبت اولورسه بو حاله انجق کندیلری باعث

و مستحق اولمش اولورلر . کتاب کریمک دیگر بر سوره سنده

شو نص جایل وارد اولمیشدر : [وضرب الله مثلا قرية

كانت آمنة مطمئنة يأتيا رزقها رغدا من كل مكان

فكفرت بانم الله فاذا اقها الله لباس الجوع والخوف بما

كانوا يصنعون] مال منیفی : [جناب حق بر قریه و بر بلده یی

مثل قیلدی ، دیگر لرینه عبرت ایلدی که او بلده آسوده و مطمئن

اولوب رزقی هر طرفدن بول بول کلیرکن اهالیسی اللهک

نعمت لرینه کفران ایلدکلرندن یعنی سیئاته تهالک کوستردکلرندن

حق تعالی حضرتلری ده بو ایتدکلری سببیه آنلری جوع و

هراسه دوچار ایلدی .

تاریخک شهادتیه ثابتدر که فساد اخلاقه مبتلی اولان اقوامک

قوت و سلطنتلری زائل و هیئت مجتمعه لری محو و مضمحل

اولمیشدر . شان و شوکت بر قومک صحیفه موجودیتندن طی ایدلمسی

انجق فضائل اخلاقیه یه رعایت ایدلمه مسندن نشأت ایدر . فضائل

اخلاقیه هر نوع سعادت و اقبالک قوه موجوده سیدر . انکله

رفاه و اسایش تجلی ایدر ، انکله وفاق و اتحاد ظهور ایلر .

فساد اخلاق ایسه ، دها ایلک هجومده افراد جمعیت بیننده کی

رابطه حب و موالاتی فک ایده جکندن مبتلارینی کندی

سلاحلریله اعدام ایلر . ادوار سالفه ده شعله شوکت و اقباللری

جهانی دوتمش اولان او عظمتلی اقوام شمدی زده ده ؟ آنلر

مبتلای انواع سیئات اولدقارندن قعر نایاب مهالکده محو اولوب

کیتدیلر . اخلاق بوزوقلغندن اعتقاد بوزوقلغنی حصوله کلیر ،

فساد اعتقاد ایسه موجب فلاکت دارین اولور ...

دین و اعتقاد خصوصنده افکار بشر

عمومک معلوم و مسلمی اولدینی وجهله بتون اقوامک بر

اعتقاد و عبادت مخصوصه سی و اردر . بونک عکسفی یعنی عبادات و اعتقاداتی کلیاً رد ایدنلر بوکون افراد بشر آره سنده بولنه بیلورسده هر حالده عددلری پک آز بر مقداری تشکیل ایلر . انجق معتقد اولانلرکده بوبابده افکاری یکدیگرینه مخالف اوله رق اکثریتبه خلق امر اعتقاده اوچ قسمه آیرلشلردر :

برنجی قسم : هر ایشک خالق و صانعی جناب واجب الوجود اولدینی و روحک موجودیت و بقاسنه مبنی کشی اعمال و افعالندن مسئؤل اولوب دار آخرتده جزا و یا خود مکافات کوره جکفی اعتقاد ایلر و اوصورتله ایمان ایدهرک نائل سعادت عظمی اولور که بونلر زمره موحدیندر .

ایکنجی قسم : خالق کائناتی و روح انسانی بی و امور اخرویه بی انکار ایله بشرک یالکز جسمدن عبارت بر حیوان اولدیغنه و وفاتیله ترکیبات بدنیه سی محو و منحل اوله رق بالکلیه فنا بولدیغنه قانع اولورلر و ضلالت و غفلتلی سببیه دنیا و آخرت مهالکنه معروض قالیرلر . بونلرده فرقه منکرین در که اقناع اولناری غیر قابل و طریق حقه سوق ایدملری پک مشکلدر .

اوچنجی قسم : مترددین کرویدر . بونلر کائناتی جناب حقمی یراندی ، یوقسه کندی کندینه طبیعت واسطه سیاه می وجوده کلدی ؟ روح انسانی فی الحقیقه موجود میدر ، یوقسه

انسانده کورینان بو فیض و ذکاء قوه دماغیه سندنمی عبارتدر ؟ صانع عالم ، روح ، آخرت ، جزا و مکافات و ارمیدر ، یوقسه انسان بعدالوفات محو و منقلب اولوب کلیاً فانی می اولور ؟ دیور و هیچ بر جهتی تصدیق و یا تسکذیب ایده میهرک متردد قالیرلر . بونلری ارشاد ایچون دنیلیر که ای مترددین انبیا و مرسلین و پیشوای اهل یقین اولان زمره جایله نک بوبابده کی بیانات حتمائی غایاتندن : عرب ، یونان ، روما و بالجمله اوروپا فیلسوفلرینک سزک متردد و یامنکر بولندیغکز خصوصلری اثبات و قبول ایلمکده اولملرندن قطع نظر اول امرده کورمکده اولدیغمز شو موجوداته برکزه عطف نظر ایدم : ابتدا شمسه و منتظم اولان سیر و حرکتنه باقالم . کونش بر جسم غیر مدرك ایکن دائماً اوقات معینه ده مواقع معلومه ده کورینیور و بوانتظامنه اصلاً خلل کلیور ، صکره کیجه حلول ایدنجه عددلری ملیونلره بالغ اولان برده کواکبه نظر ایدم . یالکز کره ارضدن کورینان بی حساب نجومک هربری کمال انتظام ایله وظیفه لرینی اجرا و یکدیگرلرینه اصلاحات و ممانع اولمق سزین حرکتلرینی اودرجه منتظم بر صورتده ایفا ایدیورلر که مثلاً یوز الی سنه صوکره بر کوکب فضانک هانکی نقطه سنده بولنه جفی کشف اوانه بیایور . بونلر ایسه جماداتدن اولدقلری و عقل و ادراکدن محروم برر جسم بولندقلری

حاله بود حرکت منتظمه به نره دن مالک اولدیله؛ بوجهت شبهه کتورر بر کیفیت دکل ایکن حس و روح دن آزاده بر طاقم اجرام سماویه بلا محرک حرکت و انتظام لرینی نصل بوله بیلدیله؛ تصادفاً وقوعه کلدی دنیلیرسه بونی عقل و وجدان قبول ایلز. منکرین بیه بر مدت دنبری تصادف کله سنی ترکله بونلری طبیعی اولان قوانین عمومیه به « قوه جاذبه و دافعه » اسناد ایتمکده درلر. آنجق قوانین عمومیه تعبیریده تصادف کبی لفظ بی معنا قبیانندن اولور. کرچه اجرامده قوانین عمومیه وارددر. فقط بو کمال حکمتله وضع اولنش او یله بر قوانین درکه بر حاکم مطلق و بر صانع اعظمک وجودینه هرشیدن زیاده شهادت ایدر. قوانین عمومیه نکر مرتبی کیمدر؟ هر جسمده اقتضا ایدن ذرات و قوتی و اجسامک موقع لرینی و بعد و مسافه لرینی و درجه سرعت لرینی کیم وضع ایلشدر؟ طبیعتی دیه جکر؛ طبیعت بر کره نهدر، عنقا کبی بر حیوان موهوم میدر، یوقسه قوه جاذبه و دافعه، حرارت و برودت، دیمیر، کمور کبی موادک متفرقاً و یا من حیث المجموع اسمی میدر؟ او یله ایسه بونلرک کافه سنک بی عقل و تدبیر اولدقلرینی و هیچ بر وقت قوانین عمومیه دکل خصوصیه بیه وضع ایده میه جکلرینی منکرین دخی تصدیق و اعتراف ایدرلر.

طبیعت : موجوداتک و موجوداتده کوریلان حالاتک عادی

براسمی اولوب عاقل و فاعل اولق اوزره هیچ بر قوتی حازر دکلدر. ارباب فن آره سنده طبیعت (Nature) اوچ معناده استعمال اولتمکده در. بری کافه اجسامک من حیث المجموع اسمی اولمسیدر، دیکری هر جسمک ابتدادن جریان ایدن احوالیدر، اوچنچی معناسی ده صانع عالمک اجرام و اجسامه بخش ایلدیکی انتظام دیمکدر. ایشته حقیقت طبیعت شو معانی مذکورده دن عبارت ایکن نصل طبیعت مکون عالم اولور، انسان کبی بر مخلوق اکلی، افلاک کبی بر منظومه احسنی نصل وجوده کتیرر؟

پیلیجه هیچ کورمدیکی شاهیندن، قوزی به هیچ بیلمدیکی قورددن حس خوفی و یرن عجبا طبیعت میدر؟ خیر صانع کل جناب خالق لم یزلدر. فن موالید ایلله اشتغال ایدن منکرین دخی اعتراف ایدرلرکه اولدن ذی روح بر تخم اولما یخه کره ارضده هیچ بر ذی روحک وجوده کلسی ممکن دکلدر. بو اعتراف اوزرینه اقتضا ایدرکه تخمی ده خلق ایچون بر صانع مطلقک وجودینی اقرار ایلسونلر. خیر اقرار ایتزلر و دیرلرکه فی الحقیقه کره ارضده اساساً بر تخم اولماسیدی ذی روح مخلوقده وجوده کلمزدی. اما احتمالکه وقتیه اجرام سماویه دن ارضه بر طاقم تخمار دوشمشده حیوانات اوصورتله وجوده کلمشدر. بو عقلایه؛ او یله ایسه اجرام سماویه به تخم نره دن کلدی؟ دنیلسه عجبا نه جواب ویررلر؛

جائز که بر فلسفه دخی فیلاتیرلر فقط بو حالریله فرقان مبینده بیان بیوریلان [ان شرالدواب عندالله الصم البکم الذین لایعقلون] وصفه تماماً کسب استحقاق ایدرلر .

دینک فواید مدنیه سی

انسانلرک سعادت مادیه و معنویه سی تأمین ایدن دین عقول بشره باشلیجه اوج عقیده تلقین و دیگر اوج خصصتله ده تزیین ایدرکه بوناردن هر بری موجودیت ملیه و مدنیت صحیحیه نیک اساسی و هیئت اجتماعیه نیک بادی ارتباط و ارتقاسیدر .

عقائد ثلثه دن برنجیسی ؛ انسانک اشرف مخلوقات اولدیغنه اینانمه سیدر . ایکنجیسی ؛ هر دین صاحبی کندی ملتک اشرف ام اولدیغنه ، مخالفلرینک طریق ضلالتله سالک بولندقلرینه قانع اولمسیدر . اوچنجیسی ؛ انسانک بو عالمدن ده اعلی ده اواسع دیگر برعالمه عروج وانتقالی خصوصنده لازم کلن فضائل و کمالاتی تهیه واحضار ایچون بو عالم حیاته کلدیکنه قائل اولمسیدر .

بوعقائدک فوایدینه کلنجه ؛ برنجی عقیده انسانک اشرف مخلوقات اولدیغنه اینانمسی ، صفات حیوانیه دن اجتناب و افعال بهیمیه دن نفرت ایتمسی استلزام ایدر . و بو سایه ده روحی ،

انسانیتی ترقی ، کمالات عقلیه و فضائل نفسیه سی تکامل ایلر . وافرادی آره سنده اخوت و معاشرت ، روابط و مسالمت ، حقانیت وعدالت تقرر ایدرکه سعادت انسانیه نیک من جهت الد نیویه غایه سیده بودر . بو عقیده درکه بشرک فکرینی اصلاح ، عقلنی تربیه ، اخلاقنی تزکیه ایله انسانلرک یکدیگرینی بلع و افتراسه باعث اولان بغض و منافرتلرینی منع و ازاله ایلر . ایکنجی عقیده بر قومک منسوب بولندیغنی امتک اشرف ام اولدیغنی اعتقادی افرادینی اوصاف فاضله و مفاخر ملیه ده ام سائر ایلر شرف و تعالی مسابقه لرینه دعوت و عقلی ، روحی ، معاش و معادی هر درلو مزایای اجتماعیه اقسامنده دیگر اقوامه تقدم ایتمک ایچون اتحاد و اتفاقه ترغیب ایلر . بو عقیده اربابی بشقه اقوامده کوردکلری معالی و مفاخری هر کونا سعادت کندی ملتلرنده کورمک ایسترلر . بو عقیده علوم و فنونک و صنایع و بدایعک توسع وانتشارینه اک بیوک برعامل ومؤثر ، اک نفوذلی برآمر مجبردر . بو اعتقاددن محروم بولنان اقوامک ایسه اطوار و افعالنده فتور ، همم و مساعیسنده قصور اوله جنی ، قوتلرینک ضعفه ، عزتلرینک ذلته تبدل ایده چکی شبهه سزدر . اوچنجی عقیده ؛ بو عالم فانییه کسب فضائل و کمالات ایدرک ده اعلی برعالمه انتقال ایچون کلدیکی ، حیات ابدی و سعادت سرمدیه آنجق او عالمده نائل

اوله بیله جکی اعتقادی صاحبک مالکات عقایه سنی ا کاله وائک آثار حسنه سنی ابرازہ سنی ایدر. بو عقیده صاحبی کذب و خیانت بغض و عداوت ، غصب و سرقت کبی فنا لقلره قطعاً جرأت ایدہ مز. و وظائف مودوعه سنی اصلاً ترک و اعمال ایابه مز. چونکہ بردار الجزانک وجودینی اعتراف ایتمکده در .

خصائل ثلثه

خصائل ثلثه دن برنجیمی حیا در. حیا. جالب لوم و توبیخ شپاری ارتکابدن نفسک انفعال و تأثری دیمکدر .

حیا ، شرف نفسی استلزام ایدر . شرف نفس ایسه با عموم معاملاتک مداری و ساسله انتظامک محوریدر . عهود و عقودی حمایه ایدن و انسانک اقوال و افعالنده ثبات و متانتی ضامن اولان اودر . بناءً عایه بو خصالتک تأثری یوزلرجه قوانین ، بیکلرله قوای ضابطه دن دهازیاده در. چونکہ نفس شریر بر کره حجاب و حیایی بیرته رق فضاحت و دنائت ورطه سینه دوشر و اجرای مفسده باشلارسه آنی هانکی جزا منع ایدہ بیلور ، وهانکی قوت آنی طریق حقہ سوق ایلیه بیلور ؟ انسانلر اره سنده کی الفت و معاشرت کبی روابط هپ ملکه حیایه منتهی اولور. چونکہ روابط الفت حفظ حقوق و معرفت حدود ایله تأیید ایدیالور که

بوده او خصالت کریمه نک وجودینه وابسته در. معلملرک ، مربیلرک آلت تأدیی ده بو خصالتدر. مکارم اخلاقه دعوت ، فضائل صوریه و معنویه نک نشر و تعمیمنه خدمت ایدنلر ده انی استعمال ایدر لر شو حالده صفت حیا بتون محاسنک اساسی و بالجمله فضائلک مبناسی اولمش اولور .

ایکنجیمی امانتدر. معلومدر که نوع انسانک بقاسی معاملات و مبادلاتله قائمدر. بونلرک روحی ایسه امانتدر. انسانلر اره سنده بو صفت فاسد اولور سه نظام تمدن و بوسبیلہ حیات بشر فناءیه منجر اولور. چونکہ امانتک فقدانی امن و استراحتک انسانلر و حقوق عبادک ضیاعی قتل ، غصب کبی فنا لقلره تعمیم و انتشارینی استلزام ایدر. طرق تجارت قبانور فقر و احتیاج قپولری آچیلور ، خزینہ بوشانور ، حکومت منقرض ، دولت و ملت مضحمل اولور شو حالده بشرک بقاسی ، حکومتلرک اسالاسی امن و استراحتک انتشاری ، شوکت و مکنتک باعث اعتلاسی امانت خصلت علیه سنی اوله جنی اکلاشیلور .

اوچنجیمی صدقدر . انسانک محتاج اوله جنی شیلر پک چوقدر. الی عادی بر حاجتی ایفایه ، الک خفیف بر مضرتی ازاله یه نک باشنه مقتدر دکلدر. بنی نوعندن استمداد و استعانه یه قطعاً محتاجدر تدویر امور و تدبیر معیشت خصوص صنده شخص آخرک مستحضرات عقلیه و ملکات فکریه سینه هر حالده عرض احتیاج ایلر و اندن

مستفید اولور. دینک اولورکه نوع بشرک قوه مغنویه سی استفاده در. استفاده ایسه استخبار طریقیه ممکن اوله بیلور. برخبرک مفید اوله بیلیمی ایسه صدقه مقارنیتله مشروطدر نفس الامر موافق اولیان برخبر مفید دکل مضردر.

صدق: بین البشر باعث الفت واخوتدر. صدقه سز نه برخانه خلقی آره سنده تأسیس الفت نهده بر ملک اهلیمی بیننده بسط اخوت قابل اوله بیلور.

شونلر کویا دین اسلامک برر قصوری ایمش...

تعدد زوجات
صلح
اسارت
حریت
تستر
قضا
توکل
جهاد

(۱) تعدد زوجات (۲) طلاق (۳) اسارت در که بونلر عائله حیاتی تسمیم، جمعیتک انتظامنی تشویش ایدر. (۴) حریت مذهبییه بی اخلاصدر چونکه دین اسلامده مذهبه مساعدیه یوقدر دین اسلامی هرکیم انکار ایدر سه انک جزای سیف قاطعدر (۵) نصرانیتک انتشارینه ممانعتدر. زیرا قرآن، سیف محمدی انجیلک تأثیراتنه دائما مانعه تشکیل ایتمکدهدر (۶) تستر نسوان در که قادینلر ایچون موجب اسارت وذلندر (۷) قضا و قدردر که معتقدلر نی عطالت وکسالتیه سوق ایدر (۸) توکل در. بونک ده غایه سی اهمال و مسامحه و تعطیل اموردر. (۹) جهاد در. بونک نتیجه سی ده قتل عباد و تخریب بلاددن عبارتدر.

ایشته عالم نصرانیتک اسلامیه قارشو اعتراضلری شوکبی

مواددن عبارت اولمغله بونلرک هر برینه ایروایرو جواب ویرمک وادله مقنعه سیلهرد وابطال ایتمک اوزر دیرز که:

تعدد زوجات

دین اسلامده تعدد زوجة جائزدر. فقط بو اور و پالیاردن بعضیلرینک ظن ایتدیکی کبی هر کس ایچون لازم اولیوب بلکه تعدد زوجة کندیلرینه جائز اولانلر عادتاً محدود و قلیلدر. زوجاتک جائز اولدیغنی بیان بیوران آیت جایله ده تعدد بو پک عیاندر. استعید بالله [وان خفتم ان لا تقسطوا فی الیتامی فانکحوا ما طاب لکم من النساء مثنی وثلاث ورباع فان خفتم ان لا تعدلوا فواحدة] یعنی یتیم قادینلری تزوجکر تقدیرنده عدالتی محافظه ایدهمیه جککزدن قورقارسه کز ای کوردیککر قادینلردن ایکی، اوچ، درت قادینه قدر تزوج ایدیککر، اگر زوجات عدیده میاننده تماماً اجرای عدالت ایدهمیه جککزدن قورقارسه کز بر زوجة ایله اکتفا ایدیککر. دیمکدر. بر حدیث شریفده ده (اذا کان عند الرجل امرأتان فلم يعدل بینهما جاء یوم القيمة وشقه ساقط) بیورلمشدر که بر انسانک ایکی

زوجہ سی اولوب بینارنده عدالت ایتمزسه یوم قیامتده اوکیسه
برجہتی دوشوک اوله رق کلیر مال منیفنده در .

تعدد زوجاتک حکمت عقلیه سنه کلنجه : معلوم اولدینگی وجهله
ازدواجده ایکی بیوک مقصد وارد بری تناسل، دیگرکی محافظه
عفت وصحتدر. تناسل ازدواج ایله حاصلدر. حالبوکه برچوق
ازدواجار اولورکه انلرده بوغایه حصوله کلز. بناءء علیه تعدد
زوجات مشروع اولمسیدی برچوق کیسه لک نسللری منقطع
اولمق لازم کلیردی. انقطاع نسل ایسه خصوصی وعمومی بیوک
برضرردر. بدولتک ترقی و تعالیسنه الکیوک مدارتکثر نفوسدر.
تعدد زوجاتک کثرت نقوسه نه درجه لرده خدمت ایده جکی ایسه
مستغنی بیاندر.

محافظه عفت وصحت بختنه کلنجه : تعدد زوجیه قولا
معارض بولنلارک فعلاً برقادیلر ایله اکتفا ایتمه ملری تعدد
زوجیه میلک برامرجیلی اولدینگی کوسترمکده در. شو حالده بومیل
نامشروع برصورته اجرا ایدیله جک اولورسه برطاقم علت
ساریه وامراض مهلکه نک زیر حکمنده زبون اولنه جکی شبهه سزدر.
اوروپالیلر نامشروع محللاری رسمی برشکله قویه رق وشدتلی
معاینه طبییه تابع طوته رق تحدید مضراته چالشمقده ایسه لرده
بوکی تدابیر هیچ بروقت تعدد زوجاتی تجویز کی برتدبیر
شرعی به بکزه مدیکندن برطرفدن سرایت امراضی آزالتیرکی

گورنورکن دیگر طرفدن تزايد ایتمکده اولدینگی ینه کندیلری
بیان وشکایت ایتمکده درلر.

وارد خاطر اولورکه متعدد زوجهلر آره سنده امتزاج
وحسن معاشرت حاصل اولیه جکی کی اوزرینه اوله نیامش
اولان قادین ده اضطراب و کوکل عذابندن خالی دکدر .
شو حالده تعدد زوجات نصل معقول و مستحسن اوله بیلور ؟
بو خاطر یه جواباً دینلورکه : زوجهلر بیننده عادلانه حرکت ایشک
امتزاج سزلق جهتی برطرف ایده جکی کی کندیسنک اوزرینه
اولمسنندن طولایی مضطرب بولنان قادینده زوجنک سبب
تاھلی چوچوغی اولماسی ویا کندیسنک مرض دائمی به مبتلا
بولنسی کی برلزوم مشروع اوزرینه اولورسه اضطرابنک تخفف
ایده جکی شبهه سزدر .

ایشته شوبیانادن کلاشیلورکه اسلامیتک تعدد زوجاتی
مشروع قیلمسی برچوق حکم و منافعہ مستند اولوب خصملرینک
ادعا ایتدیکی کی اوله حظوظات نفسانیه یی استیفا و آمال
هواپرستانه یی اجرا ایچون تأسیس ایدلمش دکدر .

باقک افکار فلسفه و حقیقت پرورانه سی خصمای دین زنده
بیله برحجت کی تلقی اولنان وولتر بوبابده نه دیور : «ای جاهلر ،
ای احقار ! دیگر برطاقم جاهلر دین اسلامک شهوت آمیز و هوا
پرست بر دین اولدینغه سزی ایساندیر یورلر. حقیقت حال ایسه بویله

دکدر. پک چوق مسائلده سزی اغفال ایتدکلی کبی بومسئله دهده
الداتیورلر ای راهبار ، منزویلر ، پاپاسار شهر رمضان ایام
صیفه تصادف ایتدیکی وقتلر سزی امساک زمانندن
غروب شمس قدر ییوب ایچمکدن منع ایتسهلر ، قمار و خردن
نهی ایلسهلر ، بلاد حاره ده کائن قطعه حجازیه بی زیارته ،
سنوی مالککڑ قرقدہ برینی تصدقه سزی مجبور قیلسهلر ، اون
سکر قادیناه معاشرته الیشمش ایکن بردن بره درده ایندیرسهلر
طوغری سویله یکز بویله بر مذهب هوا پرست نامی ویر یله یلورمی؟..»

طلاق

هدف اعتراض اولان طلاقده شریعت مزجه اصل اولان
حرمت و ممنوعیتدر . یعنی عذر شرعی یه مبتنی بولنمیان طلاق
ممنوعدر. نه کیم [فان اطعنکم فلا تبغوا علیهن سییلا]
آتی و (ابغض الحلال الی الله تعالی الطلاق) حدیثی
کبی نصوص شرعیه بو ممنوعیته صراحة دلالت ایتکدهدر.
انجق زوجین بیننده تباین اخلاق و قوعیله بغض و عداوت
علی الخصوص زوجه ده موجب تهمت و نفرت احوالک ظهوری
کبی اسباب مجبره و ضروریه ببناء شریعت طلاق مشروع
قیلمشدر . واقعا زوج ایله زوجه آره سنده اسباب موجبیه

مبنی بر کره شیرازہ انتظام زوجیت مختل اولدی ایتدی طلاقدن
بشقه انکیچون چاره خلاص یوقدر. بوکا بناء درکه بوکون ملل
متمدنه دن بر چوقلری دخی طلاقک محسناته قائل اوله رق
انی قبول ایتشلر و شو حکم شرعی یه معنا اتباع ایتشلردر . شو
قدر وارکه انلر حق تطایق شریعتده اولدینی وجهله زوجیه
و یرمیه رک محکمه یه تودیع ایدیورلر سده شریعتک بو مسئله ده
حکمت و برهانی پک واضح اوله رق مشاهده ایدیلیور . چونکه
امر طلاقک محکمه یه تودیع اولنمی ایکی وجهله باطلدر .
برسی، زوجک نفسنه اولان ولایتی ولایت خاصه، حاکمک انک
اوزرینه اولان ولایتی ولایت عامه در . ولایت خاصه ایسه
ولایت عامه دن اقوی ایکن بوراده ضعیف ایله حکم ایدلمکده در .
دیگری ، اسباب طلاق بیان اولدینی وجهله زوجین بیننده
یا تباین اخلاق و یا زوجنه ک موجب تهمت بر حالده بولنمیدر.
تباین اخلاق صورتنده حاکم نه یاپه حق یکدیگری نی سومین زوج
ایله زوجه بی زور ایله می سودیره جک؛ بن حکم ایتدم یکدیگری کزی
سویکز قاری قوجه اوله رق دوریکز می دیه جک؛ موجب تهمت
احوالده ایسه زوج بوخصوصه وجداناً قانع اولدینی حالده
محکمه یه قارشو اثباتندن عاجز بولنورسه نه یاپه حق؛ وجدانه
مخالف اوله رق قادینک برائتنه می قائل اوله حق و حقنده تهمت
دعواسنده بولندینی بر قادین ایله بعد ازین نصل اصرار حیات

ایلیه جک؟ حالبوکه امر طلاق زوجک یدنده اولوبده زوج اسباب
تهمتی کیمسهیه افشا ایتمکسزین زوجسهنی تطایق ایدرسه بو
تطایق انک ایچون بر عبرت مؤثره اوله جغندن اصلاح نفسله
بر دیکری ایله عقد ازدواج ایدر واندنصکره حیاتی عفیغانه و
مسعودانه امرار ایلر . کرچه شریعتمزده زوجک زندیق ویا
غنین اولمسی کبی اسبابدنطولانی زوجهنک محکمهیه حق مراجعتی
واسباب افتراقک تحقیق ایله حاکمک آره لرینی تفریق ایلمی
وارسهده انجق بو حق تطایق علی الاطلاق محکمهیه عائد وراجع
دکلدر . بلکه زوجهنک حاکمه مراجعتی محضاً مدعاسنک ثبوت
واظهاری اساسنه مبتنیدر .

اسارت

دیانت جلیله اسلامیه حقنده عالم نصرانیتک اعتراض ایتمکده
اولدقلری مسائلدن بری اولان اسارت اساساً دین اسلامده
ممنوعدر . چونکه حریت بشریه شریعت اسلامیهنک قواعد
اصلیه سننددر . اسارت یالکز حرب زمانلرنده مشروع اولمشدر .
بوندن مقصد دشمنک عددینی تقلیل و طولانیسیله حربی منع
و تعطیلدر [سز اثنای حرب وقتالده اسیر الیغکر حالده آنلری
قاچیرمیه جق صورتده محافظه ایدیکمز . اندنصکره بالطف واحسان
ایدوب مجاناً آزاد ویاخود کندی اسراکزله مبادله ویا برفدیة

معلومه اخذیله سبیللرینی تخلیه ایدرسکمز [مألنده اولان
[حتی اذا انختموهم فشدوا الوثاق فاماننا بعد واما فداء]
آیت کریمهسی اسیرلرک ختام حربیه قدر قتل و اتلاف ایدلیوب
حسن محافظه ایدلمسی و بعدالحرب بلا بدل اطلاق و آزادیخود
فدیة اخذی صورتیه صالورلمسی لازم کله جکبی بیان بیورمقدهدر .
اسارت مقتضای دیانتدردینلر بو حقایق دینییه واقف اولمدقلری
کبی (محاربه ایتدکجه اسیر اتخازی هیچ بر پیغمبر ایچون جائز
دکلدر) مغناسنده اولان [ما کان لنبی ان یکون له اسری
حتى یخن فی الارض] آیت شریفه سنه دخی مطلع اولمه مشاردر .
برده غریبلر دین اسلامده کی اسارتی کندی مملکتلرنده کی اسارته
قیاس ایدرک بو بابده پک ایلرویه کیدیورلر حالبوکه ایکی مملکت
آره سننده کی اسارت بالکلیه بشقه شیلردر . قبل الاسلام اسرای
حرب اولدیریلور ، قایچدن کچیریلوردی اسلامیت بونی قالدیردی .
فدیة ایله ویا مجاناً سبیللرینی تخلیه ایددی . فدیة ویره مینلری
اسیر اوله رق ابقا ایلدی . فقط هانکی عائله ایچنده بولنورسه
افرادندن اولمق شرطیه ابقا ایلدی ، او یله آمریقا و مستملکاتده
اولدینی کبی انسانلری اسیر نامیله حیوان سوریمی منزله سنه
تنزیل ایتمک ممالک اسلامیهده هیچ بر وقت کورلمش شیلردن
دکلدر ، مدنیة اریله تمدح ایدن اوروبالیرلرک شو عصر اغیرده

یابدقارینه باقیلورسه اسرای حربہ نهلر اجرا ایتیمورلر. طوپلرک
آغزینہ قویوب کله یرینہ می آتمیورلر زنجیرلرہ باغلیہ رق قورشونلہ
بینلرینی می طاغتمیورلر؟.. دین اسلام ایسه اسارتی صورتده ابقا
ایتدیسہ بو مثللو فنالقلرک اوکنی آلمق ایچون ابقا ایتمشدر .

حریت مذہبیہ

غریبلر دین اسلامک حریت مذہبیہ یی اخلاص ایتمکده
اولسندن بختلہ دینمزہ برده بو صورتلہ اعتراضده بولنورلر کہ
بو ایسه دین اسلامہ افترا و بہتاندن بشقہ برشی دکلدرد .
چونکہ قرآن کریم [لا اکراه فی الدین] و [افانت تکرہ
الناس حتی یکونوا مؤمنین] و [قل للذین اوتوا الکتاب
والامبین ااسلمتم فان اسلموا فقد اهتدوا وان تولوا فاما
علیک البلاغ واللہ بصیر بالعباد] آیات کریمہ لرلہ حریت
مذہبیہ نک اساسنی وضع وتأسيس ایلش وامردینده اکراه
واجبار اولہ میہ جفنی ایلک اولہ رق دین اسلام میدانہ قویتمشدرد .
بشقہ دلیلہ نہ حاجت .. اکر دین اسلامده حریت مذہبیہ اولمسیدی
اون اوچ عصر دنبری اهل اسلام آره سنده بو قدر ملل مختلفہ
نصل پایدار اولوردی . و موجودیت مایہ و مذہبیہ لرینی نصل

محافظہ ایدرلردی . کتب فقہیہ نک ہر ہانکی برینہ مراجعت
ایدلسہ ہیچ بر قومک ہیچ بر وجہلہ دین ومذہبلرینہ تعرض
جائر اولمدینی کورلمش اولور ینہ او کتب فقہیہ دہ اذا وجفانک
حرمتی بختندہ مصرح مسائلدندر کہ غیر مسلماردن برینہ کافر
دینلسہ قائلنہ شرعاً جزا وتعزیر لازم کلور . فقہای مشہورہ
دن ابن حزم دیور کہ تبعہ غیر مسلمہ دن بر فرقہ اوزرینہ
کندی دینداشلری اولان دشمنلری هجوم وتسلط ایلسہ بزم
انلرک دشمنلریلہ محاربہ ایتہ مزوایجابی حالندہ فدای جان ایلہ مز
ایجاب ایدر . مسلمانلر دینلری ایجاباتندن اولہ رق ہر یردہ
وہر دورده حریت مذہبیہ رعایت ایتمشلردر .

خلفاء عباسیہ زمانلرنده ہر ہانکی بر دین ومذہب اربابندن
اون خانہ خاقل بر محلده برلشیرلرسہ کندیلرینہ مخصوص بر معبد
انشاسنہ صلاحیت ویرلمشیدیکہ مساعدہ نک بودرجہ سی ہیچ بر دین
وہیچ بر مملکتندہ کورلمش شیاردن دکلدرد . شو وقعہ آتیہ دہ
اهل اسلامک حریت مذہبیہ ومساوات بشریہ نہ قدر رعایتکار
اولدقلرینی واضحاً اثبات ایتمکدہ در . شویلہ کہ بر کرہ حضرت علی
برای محاکمہ بر یہودی ایلہ جناب عمرک حضورینہ داخل اولور .
حضرت عمر یا ابالحسن سنده خصمکله برابر آیاقده دورمالیسک
دیمسی اوزرینہ حضرت علیدہ براثر انفعال کوریلور . بعدالمحاکمہ
کمہ سببندن سؤال اولندقدہ دیرکہ سز بکا کنیہ ملہ خطاب

ایتدیکز . بوندن خصم قیریله حق وعدالت و مساوات محافظه
ایدلمیه جک فکرینه دوشه جک دیه قور قدمده متأثر اولدم جوابی ویرر .
ایشته حقیقت مسئله و وقوعات ده بوندن عبارت ایکن خلافتی
ادعا ایتک یعنی دین اسلامده حریت مذهبییه یوقدر دیمک دینمزه
قارشو بهتان و افترا دن و یاخود جهالت و تعصبدن بشقه بر شیئه
حمل اولنه ماز .

دین اسلامک انتشار نصرانیتیه ممانعتی

نصرانیتک دین اسلام حقنده کی اعتراضلرندن بریسیده
بوایدی . اعتراف ایدرزکه نصرانیتک بو ادعاسی پک طوغریدر .
چونکه دین اسلام ، دکل خرسیتیانلغک بلکه بالجمله ادیانک انتشار-
ینه بر مانع عظیمدر . زیرا بر قوم ایچون حقیقت اسلامیه
وصولدن صکره انی ترک ایتک و بشقه بر دین ایله متدین اولمق
متصور دکلدر . بو بر قصور ایسه بو قصوری کمال افتخارله قبول
ایدر و بونی دینمزه ایچون بر شرف عدایلرزه شو حالدده دین اسلامک
انتشار نصرانیتیه مانع اولمسی اسبابی شو دین عالینک قدسیتنده
آرایوب جبر و تضیقنده و یاخود قلیجنده آراماق لازم کلیر .
دین اسلامک ادیان سائریه ممانعتی قلیج ساینده اولمدیغی کبی
گندینک انتشاریده بو صورتله دکلدر . تاریخه وقوفی اولانلر
تسلیم ایدرلرکه حضرت پیغمبر نشر دینه یاشلادقده کندیلری

وحید و فرید بولنوب قوت و شوکت صاحبی دکل ایدیلر . کندی
قوم و قبیله سی بیله بو خصوصده ابراز خصومت و عداوت ایتکده
وانواع اذا و جفا ایله کندیلرینی دلکیر ایلکده ایدیلر فقط
رسالت مآب افندمن مأمور اولدقلری وظیفه تبلیغه بروجهله خلل
کتیرمیه رک صبر و ثبات کوسترلر و خلق جناب حقک وحدانیتیه
دعوت بیوره رق محاسن اسلامیه یی اظهار بیورلردی . بو سایه ده
حقیقت دینه تبیین ایتکده خلقدده فوج فوج دینه اتباع ایلکده
باشلادی که بواثناده نه قلیج استعمال ایدلمکده نه ده بر قطره قان
دو کولمکده ایدی . شو حالدده هانکی بروجدان صاحبی دین احمدی
قلیج سایه سنده تقرر ایتمش و احکام اسلامیه یی ناس جبر و اکراه
ایله قبول ایلش ادعاسنده بولنه بیلور ؟ اسلامیت قلیج سایه سنده
انتشار ایتشددر دینلره صورارز . چین قطعه سی هیچ بر دولت
اسلامیه طرفندن فتح اولندی ؟ اولمدی ایسه چینده بولنان اللی ملیونی
متجاوز اهل اسلام نه واسطه ایله قبول دیانت ایلدیلر . سیف اسلام
ایسه هیچ بروقت چینه کیرمه مشدر . زیرا چینه اسلامیت یالکیز
تجارتله کیدن عربلرک مواعظ حسنه سیله کیرمشدر . بودورلرده
(یدنخی قرن میلادی) بر خیلی نسطوری پاپاسلریده خرسیتیانلغی
نشر ایچون چینه صوقولمشلردی . عجبا خرسیتیانلق اسلامیت قدر
نه ایچون خارقه انتشار کوستره مدی ؟ .. اقصای شرق جزائر مجتمعه
سینه ده باقم . بو اطه لرده ده ملیونلره نفوس اسلامیه موجوددر .

عجبا بورالره هانکی سیف اسلام کیرمشته جبر و شدت ابراز
ایلمشدر... ذاتاً امر وجدانیدن عبارت بولنان دین هیچ بروقتده
هیچ بریره جبر و تضییق و سیف و سنان ایله کیرمش دکلدرد .
نصل که نصرانیتده بتپرست اولان روما و یونان اقوامی ایچنه
النده قلیچ اولمدینی حالدده کیرمشدر . چونکه توحیده مستند
اولان نصرانیت اواقوامک تعبدایتدکلری ادیان باطله یه مرجع ایدی .
مؤخرا نصرانیتک الله قلیچ کچمش ایسه ده توحیددن
نثلیته عدول ایدلمش یعنی دین وضع اصلیسندن چیقارلمش
اولدیغندن قلیچک هیچ بر فائده سی کور و لمه مشدر . انکیزیسیون
مظالمی، اهل صلیب و قایعی، قتل و لیکلر ایله پروتستانلر آره سنده کی
دین غوغالری و بونلرک نتایجی معلوم عالمدر . آ کلاشیلیور که
اسلامیتک سبب انتشاری وادیان سائرهنک شیوع و تعممنه
ممانعتی قلیچ ایله دکل بلکه احکامنک عین حقیقت و محض حکمت
بولنسی و مقابلنده کی معتقداتک اباطیل و خرافات قبیلهندن اوله رق
اکا قارشو قویه جق اقتداری حائز بولنمه سی سایه سنده در .

تستر

شعائر جلیله اسلامیه و عادات مستحسنه دینیهدن بری
اولان تستر نسوان کیفیتیه ده (قادینلر ایچون موجب اسارت

و ذلت دیه) غربیلر طرفندن دوچار اعتراض اولمقده در .
حالبوکه تستر باعث شرف و عزت اولوب تکشف ایسه بالعکس
انلر ایچون بادی حقارت و ذلتدر . چونکه، تستر ایتمین قادینک
ارککلر طرفندن دوچار تعرض اولسی احتمالی واردر . بوایه
برقادین ایچون اک بیوک بر حقارتدر . ادیان سماویه وبالخاصه
شریعت اسلامیه قادینلری بوکی تجاوزاتدن مصون بولندیرمق
ایچون تستری امر، و تکشفی نهی ایلمشدر . نکیم انجیلده
(بر قادین که باشی آچیق بر حالدده طاعانده بولنور ورای بیان
ایدرسه باشنه ناموس سزلق دعوت ایتمش اولور) دیور و مستوری
امر و تنبیه ایلیور قرآن کریمک [قل لاوزواجک و بناتک
ونساء المؤمنین یدنین علیهن من جلابیبهن ذلک ادنی ان
یعرفن فلا یؤذین] آتی ده عین مقصد ایله متظاهر بوانیور .
معنای منیفی [یانی الله زوجات و بناتکه وسائر نساء مسلمینه
سویله که آنلر طیشاری یه چیققدقلرنده یوزلرینی و باشلرینی اورتسونلر
یعنی قاعده تستره رعایت ایلسونلر . بو آنلرک دوچار تعرض و اذا
اولمالر ایچون پک اییدر] دیمکدر . [قل للمؤمنین یغضوا من
ابصارهم ویحفظوا فروجهم ذلک ازکی لهم ان الله خبیر بما
یصنعون] و [قل للمؤمنات یغضن من ابصارهن ویحفظن

فروجهن ولا یبدین زینتهن الا ماظهر منها ولیضربن بخمرهن
 علی جیوبهن ولا یبدین زینتهن الا لبعولتهن و آبائهن]
 آیات کریمه لریده بوبابده شرفنازل اولان بینات عالیهدندر. مال
 شریفاری [یارسول الله مؤمناره سویله که کوزلرینی نامحرمله
 نظردن منع وعورت محالرینی حفظ وستر ایلسونلر که بو منع
 وستر انلرک حقنده پک نافعدر. وجناب حق انلرک افعال وانظا-
 رینه واقف وخیردر. قادینلرده سویله که انلرده بومنع وستره
 رعایت ایتسونلر. وزینتلرینی ضروری اولان اقسام مستثنا
 اواق اوزره ذکر وتعداد ایدیلن محرمارندن بشقه سینه کوستر-
 مسونلر [دیمکدر آیت ثانیهدده خاصه مؤمناته خطابدن منفهم
 اولور که رجالک نسایه نظرلری فصل حرام ایسه نسانکده رجاله
 نظرلری اویله جه حرامدر. چونکه سبب حرمت اولان فتنه
 هرایکی صورتهده حاصلدر.

اصحاب کرامدن ابن ام مکتومک حضور نبوت پناهی یه دخولنده
 رسالتآب افندمن زرد سنیهلرنده بولنان ازواج مطهراته تستر
 ایتلرینی امر و فرمان بیوردقلرنده انلر یارسول الله او اعمی
 دکلیدر. نه ایچون تستر ایدلم؟ دیمارینه جواباً حضرت پیغمبر او
 اعمی ایسه سز دکلسکیز. او سزی کور میورسه سز آنی
 کور میورسکیز. بیورمشلردر.

تستر ایکی نوعدر. بری خانه دروننده کی احتجابدر که قادینلرک خانه
 داخلنده زوجنک و محارمنک غیری یه کور و نمه مسیدر. دیگر کی خانه خار-
 چنده کی احتجابدر که کیمسه یه کور و نمه مک اوزره یوزینی و باشدن
 ایاغه قدر بتون اندامنی و حتی داخل لباسنی ستر و اخفا ایلکدر.
 طار اورتو و چارشفله اجانبه قارشو عرض اندام ایتکده ممنوعدر.
 یوزلرینی واللرینی و حتی ایقلرینی نمازده آچیق بولندیره بیلورلر سده
 فقط ضرورت اولمدقجه بوللری دخی نامحرمه کوستره مزلر.
 (یوز نامحرم دکلدر) تعبیری نماز حقنده اولوب نمازک غیریده
 غلطدر.

تسترک حکمتی اشارت ایدلدیکی وجهله قادینلری ارککلرک
 تعرضندن مصون وتعدی وتجاوزلرندن امین بولندیرمق ایچوندر.
 چونکه قادینلرک فضیلت وعفتارینه قارشو دائماً هجوم وتسلط
 ایلکده اولان ارککلرک صولتنی دفع ایده جک قدر صلابت
 فطایه سی اولیان نسوانک آلت مدافعه سی انجق تستر ایتمی
 اوله بیلور. جبین پاک عصمتلرینی لکه دار ایتک ایستین رجاله
 قارشو سلاح مقاومتلری انجق دوش عصمتلرینه الدقلری
 ردالری اوله بیلور.

مستوریت ادعا اولندیکی کی قادینلر ایچون موجب
 اسارت دکل بلکه، مستلزم استقلال و حریتدر. چونکه تستر ایتیبده
 بتون محاسن وتجملاتیله کندینی انظار اجانبه وضع وتشهیر ایدن

استندلیکی کی استحصال ایدیله بیلر . حالبوکه بوکون اورالده
طلاق کترتی عقلای غربی دوشوندره جک بر مرتبه بی بولمشد .
تستر قادینلری تهذیب اخلاق وتعلمدن منع ایدرسوزی ایه
هیچده طوغری دکلدرد . چونکه بر قیزک سن رشده مکته
بولنمی انک تربیه وتهذینه پک اعلا کفایت ایدر .

علی الخصوص بتون معلملری قادین اولق اوزره قیزلره
مخصوص مکاتب عالیه وجوده کتیرمکده غیرت دینه اصحابنه
کوره بیوک بر ایش دکلدرد . اوزمان قیزلر ایستندلیکی کی تعلیم
وتربیه ایدیله بیلرلر .

شو سرد اولنان مطالعاتدن معلوم اولورکه مستوریت
نه صحتی اخلال ایدر ، نه اعصابی ضعفه دوشورر نه ده
هوسات نفسانیه بی اویاندرر . بالعکس مفسد ورزانه
قارشو اویله مادی بر مانع تشکیل ایدرکه اگر بوکا برده معنوی
مانع علاوه ایدیلورسه اوزمان صرف مادی اولان شو مدنیته
وجودنده خونین جریحه لر شکنی المش اولان فلا کتیرک ،
مصیبتلرک پک چوغی بشریتک اوستندن صیرلمش اولور .

قضا و قدر

قضا و قدر ؛ لغته فصل و حکم معناسنه اولوب اصطلاحده

جناب حق شئونات عالمده جاری بولنان حکم کلیسی دیمکدر .
بعضیلر قدر : مقدرات ازلیه دن ، قضا : او مقدرات ازلیه دن وقت
وزماننده ایجاد وانفاذ ایدلمسندن عبارتدر دیرلر . شو حالده قضا
وقدر جناب حق علمنه ، علمی ده معلومنه تبعیتله یعنی هرشی
نصل اوله حقه اولوجهله جناب الهک بیللمسیله احوال واشیایی
تقدیر و ایجاد بیورمسندن عبارت اولور . علمک معلومه تابع
بولنمی دلالت ایدرکه شو صفات جلیله دن جبر لازم گلر .

اشته دیانت اسلامیه ده قضا وقدر بوندن عبارت اولدینی حالده
غریبلرلر دن بر چوقلری بونی مسلمانلر حقنده بر سبب طعن و تزییف
اتخاذ ایدرک بر طاقم تفوهات وتوهماتده بولنملرلر .

دیرلرکه بووجهله قضا وقدره ایمان هرهانکی بر قومک وجداننده
پرطوتارسه آرتق اوقومده عزت و قوئدن اثر قالماز . وانلرک رینه
ضعف ومسکنت قائم اولور . بوکا بناء درکه مسلمانلر بو عقیده لری
سببیه فقر و ضرورت وذلت وفلاکت ایچنده قالمشلرلر .

غریبلرلرک اعتقادنجه قضا وقدره ایمان ایله انسانک بتون
افعالی اضطراری اولدیغنه قائل اولان مذهب جبری آرده سننده
هیچ بر فرق یوقدر ، اویله توهم ایدیورلر که مسلمانلر قضا
وقدره اعتقادلری ایجاچه کندیلرینی هواده معلق توی پارچه سی کی
کور ییورلر ، قضا وقدر روزکاری اوکنده بی اختیار
بولنیورلر .

فتوحات عظیمه به نائلیتاری هپ قضا و قدره اعتقادلری سایه سنده
در . اسکندر کبیر ، جنکیزخان هپ بوعقیده اوزرینه صاحب
رسوخ ایدیلر . ناپولیونک قدره پک زیاده اعتقادی اولدینی
مشهوردر . ذاتاً اونى نسبة آزعسکرله بیوک بیوک اردولر
اوزرینه هجوم ایدرک احراز ظفره سوق ایدن هپ بوعقیده سی
ایدی ، شو حالده قضا و قدره ایمان برملک انحطاط و تنزلی
دکل بلکه اعتلا و ترقیسی مستلزم اولور .

مسلمانلرده کی تأخرو تدینک منشأی ظن اولندینی کی نه عقیده
قدردر ، نه ده سائر عقائد اسلامیه در . مسلمانلر نشأناریخی متعاقب نشوة
غرو و ظفرله سرمست اولدیلر . بوحالده ایکن ایکی مدهش صدمه به
معروض قالدیلر که بری شرقدن جنکیز خان ایله احفادنک هجومی ،
دیگری غربدن اوروپالیرک بتون مملکتلرینی استیلا سی ایدی .
بوحال قلوب امته دهشت بخش اولوب بوسببیه متانت و شهامتلی ،
نجدت و عاوهتمتلی زائل اولدی ، صکره برچوق حکومتاره
آیرلدیلر ، نااهل برطاقم امرایه منقاد اولدیلر . نتیجه شواحواله
معروض قالدیلر . فقط امت اسلامیه عقائد صحیحهلری سایه سنده
برکون البته سیلکنوب قالمه جق ، مبتلا بولندینی بومرضدن
قورتیلهرق اکتساب عافیت ایده جک وشانلی ماضیسنی اعاده
ایلیه جکدر .

توکل

دین اسلام علیهنه بدخواهان طرفندن حواله اولندان سهام
اعتراضدن بریده توکل در .

آنلره کوره اسلامیت توکلی امرایلدیکندن طولایی انسانلری
عطالت و کسالت و کورکورینه حرکت ایتکه سوق ایدیورمش .
فکره دورغونلق ، قانه او یوشقاق ویره رک تعطیل امور بهادی
اولیورمش .

بوواهی سوزلر هیچده طوغری دکدر . چونکه ، مسلمانلر
توکلی : اسباب ظاهره به رعایتله برابر جناب حقّه اعتماد ایلکدن
ووسائل و وسائطه تشبثله برابر الله تفویض امور ایتکدن عبارت
بیلرلر .

شو حالده مسلمانلر نظرنده توکل ، تعطیل امور دکدر . بلکه انسان
ایشلدیکی ایشده جناب حقک نصرت و معاونتنی تمنی ایتک و امداد
الهی به اعتماداً امور مشکله بی اقتحام ایلکدر . (یا بی الله مشکله استشاره
ایت بعد الاستشاره عزم و قصد ایتدی کک شیئلری انفاذ ایله ، الله ،
متوکل اول ، الله ذات الوهیتنه توکل ایدنلری سور) مألنده اولان
[وشاورهم فی الامر فاذا عزمت فتوکل علی الله ان الله
یحب المتوکلین] آیت کریمه سی اهل اسلامک توکلده کی اساس

و بوباده کی آیات قرآنیہ ایلہ ثابتدر . [ادع الی سبیل ربك
بالحکمة والموعظة الحسنة] نظم جلیلی دین مبینہ دعوت
رفق و ملایمت و اسلوب حکمت ایلہ اولسنی و سفک دمایہ میدان
ویرلمه مسنی ناطق بولنمقده و بدایت اسلامدهده بو صورتله حرکت
اولنمقده ایکن مشرکین قریش صاحب شریعت افندمزہ و اصحابنه
انواع اذا وجفا ایلہ ابراز عداوت ایدرک حیانتلرینه دخی سوء فصد
ایتمش اولملریله مجرد حربہ بادی اولماق اوزره ترك دار و دیار
و مدینہ منورہ یی کندیلرینه دارالقرار اتخاذا بیورمشلردر .
حالبوکه مشرکین مکہ بورادهده کندیلرینی راحت بر اقامش
و مدینہ منورہ یه تعرض و هجومدن کیرو قلامش اولدقلری کی
کعبہ مکرمہ یی زیارت ایچون آرہده وقوعبولان و حدیبیہ مصالحہ سی
نامیلہ یاد ایدی لان معاهدہ یی دخی نقض ایلہ حربہ قیام ایللری اوزرینه
[وقاتلوا فی سبیل الله الذین یقاتلونکم ولا تعتدوا ان الله
لا یحب المعتدین] آیت کریمہ سی نازل اولمشدر که حربك جوازی
حقنده ایلک نازل اولان نظم جلیلدر . اشبو آتی تعقیب ایدن
[ولا تقاتلوهم عند المسجدا الحرام حتی یقاتلوکم فیہ فان
قاتلوکم فاقتلوهم] نص مبینی دخی مقاتله نک انجق مقابله و
مدافعه صورتیلہ وقوعنه جواز ویرلدیکنی ناطقدرد . مقاتله دن

مقصد مقابله اوله رق موجب فتنه و اختلاف اولان اسبابك منع
وازاله سنی [وقاتلوهم حتی لا تكون فتنة] نظم منیفی و بو
باید محاربات و مقاتلاتده مقابله و مماثلہ یه رعایتک لزومنی
[فمن اعتدى علیکم فاعتدوا علیه بمثل ما اعتدى علیکم]
نصی کریمی فرمان بیورمقدهدر .

شو آیات کریمہ کافه حقوق حرب و صلحی جامع برر
دستور اولدیننی پک واضح و آشکاردر . چونکه حربده مقابله
بالمثل مشروع اولنجه اشبو مماثلہ اسباب حرب ایلہ حربده
استعمال اولنه حق اسلحهده مجروحین و اسرایه ایدیله چک
معاملهده جاری اوله جنی و انجق خصم حدود مشروعیه یی تجاوز
ایدرک ظلم و عداوتده بولندیننی حالده اکا متابعت جائز اوله میه جنی
[ان الله لا یحب المعتدین] آیتله مصرح بولنمقدهدر .

رسول اکرم افندمز اسباب موجیه و مجبریه ببناء قبائل اوزرینه
۶۷ دفعه سریه ارسال بیورمش و ۲۷ غزاده بالذات کندیلری بولنمش
اولدقلری حالده یالکز ۹ دفعه طرفین بیننده حرب ظهور ایدرک
دیگرلری مصالحه ایلہ نتیجه لنمشدر . شو ۹ محاربه نک اسبابی
تحرری ایدیورسه کوریلور که سبب حرب یا کندیلریله معاهد
بولنان قبائلک نقض عهد و خیانت ایتلری و یا خود اعدانک هجوم
و تسلط ایتلری اولمشدر .

النصر علی من بر منہم و اتقی . (مال منیفی اشبو مصالحہ نامہ رسول اللہ اولان محمدن بنی ضمہریہ و یریلوب حکم و عہدی اولدرکہ بنی ضمہرہ اسلام ایلہ محارب اولماق و پیغہ بر کندیلرینی یاردمہ دعوت ایتدیکی حالده احابت ایلک اوزرہ مال و جانلرینی تأمین ایدر . و متقی و خیر خواہلرینہ یاردم ایدہ جکفی جناب حق ایلہ پیغمبری نامنہ تعہد ایدر دیمکدر . اشبو معاہدہ جلیلہ مضمونندن غیر مسلم اولان ام واقوا ایلہ تجاوز می و تدافعی عقد معاہدہ یہ اسلامک مأذون بولندقلری مستفاد اولدینی کبی مصالحہ صورتیلہ حسم اختلاف ممکن ایکن طریق حرب و ضربہ سلوک جائز اولدینی نمایان اولور .

اسباب صلحدن بری ده [واعداء لهم ما استطعتم من قوة ومن رباط الخيل ترهبون به عدو الله وعدوكم] نظم جلیلی موجبنبجه تدارکات حربیه و تجهیزات عسکریہ در . چونکہ دشمن تدارکات و استحضرآت سفریه ایلہ تخویف ایدلمش و بوضورتله تعدی و تجاوزینہ میدان و یرلیہرک صلح و مسالمتہ میل ایتدیرلمش اولور . نتکم:

« حاضر اول جنکہ اگر ایسترایسہک صلح و صلاح دینلمشدر . حاصلی قوتلی براردو صلح و مسالمتک ائی برکفیلی اولدیغنه بناءً بوکون هر دولت قوه بریه و بحریہ سنی ایجابات عصرہ

کوره تنظیم و تزئید ایتمکده و بو صورتله محتاج بولندیغی حضور و آسایشی تأمین ایتلمکده در .

حکومت

حکومت لغتده حکم کبی فصل و قضا معناسنہ در . حاکم ، حکم انفاذ حکم ایدن کیمسہ در . انجق حکم حاکمدن ابلغدر . حکم مفرد و جمعہده اطلاق اولنور . لکن لسان عرفده حاکم طرف حکومتدن نصب اولنان ، حکم ایکی کشی بیننده منازع فیہ اولان بر مسئله یی حل ایچون بالرضا تعیین ایدیلان کیسه یہ دینور . حکومتی ارستطالیس - حکم مطلقک دولت و جمعیت ایچنده اجرا سیدر - دیہ تعریف ایتمشدر . مشہود اولدینی وجهله نوع بشر انجق جمعیت حالنده یشار . بوایسہ انتظامہ ، انتظامک حصولیدہ بر قوتہ محتاجدر . بو حالده بشرک وجودی اوقوت وجودیلہ قائمدر . اوقوت ایسہ قوه حاکمہ یعنی حکومتدر . حکومت مأثر بشریہدن اولمیوب حاکم مطلق تعالی و تقدس حضر - تلرینک تأسیس بیورمش اولدینی بروضع الہیدر . انجق جناب حق حکومت و حاکمیتی کرک افراد مخصوصہ کرک جماعات معینہ یہ صورت دائمہده بخش و حصر ایتماش اولدیغندن هر قوم مقاصد

مخصوصه سنی استحصاله انسب اولان صورتله نظام ویرمهک صلا -
حیتداردر. بوصلاحیته استناداً ام واقوامدن بعضیاری حکومت
مطلقه بی دیگرلری ده حکومت مشروطه و یا جمهوریه بی التزام
ایلشاردرکه شو حالده حکومت اوج قسمدر : مطلقه ، مشروطه ،
جمهوریه در .

حکومت مطلقه : زمام حکومتی تماماً اله آلمش اولان
بر مستبدك حکومتیدر .

حکومت مشروطه : ملت مجلسنك رأی وفکرینه اتباع ایدن
حکمدارك حکومتیدر .

حکومت جمهوریه : نسل معیندن منتخب حکمدار مخصوص
اولیوب هرکیم اولورسه اولسون افراد ملتدن بری اکثریت
آرا ایله بالانتخاب حکمدار مقامنده اولمق اوزره موقتاً رئیس نصب
اولنور .

شو حالده حکومت قوانین قطعیة مؤسسه یه تابع اولورسه
مشروطه ، افراد ملتك مجموعنك و یا اکثرینك رأی و اراده سنده
بولنورسه جمهوریه ، قوانین موضوعه و اصول متخذ سنك قطعی
اولیه رق یالکز برکشینك کیف و اداره سنه ، و او قوانین و اصولی
آرزوسی وجهله فسخ و تبدیل اقتدار واجرا آتیه تابع اولورسه
مطلقه اولور .

اصول حکومت بالعموم انسانلر و بالخاصه آوروپالیلر اراده سنده

قسماً یکیدر . چونکه آوروپاده اوللری حکومت اولیوب اهالی
یالکز بررئیسك اداره کیفیه سنه و پاپاسلرك امر و حکملرینه
تابع بولنمقده ایدیلر . صوکره لری فنون و معارف ترقی یه و بالخصوص
اندلسده عربلردن انتشار ایدن انوار معرفت آوروپا ایچنده
پارلامغه باشلادی . پك چوق کتب عربیه علی الخصوص اندلس
اعاظمندن ابن رشد و ابن خلدون کبی ذواتك برطاقم کتابلری فرانک
لسانلرینه ترجمه ایدلمکله (لا طاعة للمخلوق عند معصية الخالق)
کبی قواعد جلیله اسلامیه کیمیا آسا تلقی و قبول اولندی و ایشك
ایچنه برارده یونان قدیم حکمیاتی قارشیدیرلقدن صکره :
(کوسفند از برای چوبان نیست — بلکه چوبان برای خدمت اوست)
حکمی ایله حکمدارك قانوندن ماعدا امرینه اطاعت ایدلمه سی
و قانوندن باشقه حاکم اولمامسی و انسانلرك افکار و آماننده حر
وسربست بولنمسی کبی اکثریسی موافق شریعت بولنان احکام
واحوال موضوع بحث اولمغه باشلادی . فیض معرفت سایه سنده
افکارلری تنور ایده ایده نهایت حکومت و مدنیتلری شو کورمکده
اولدیفمنز درجه کماله رسیده اولدی .

نظر اسلامیتده حکومتك حکومت مشروطه اولدینی
شبهه سزدر . چونکه مسلمانلر حکمدارلرینی کندیلری نصب
و تعیین ایلمکده اولدقلر یچون خلیفه نك ملت اوزرنده دکل ملتك
خلیفه اوزرنده حق حاکمیتی واردر . بناء علیه مسلمانلر خلیفه لریینه

(لا طاعة... إلخ) حدیث شریفی مؤداسنجیه شریعتک
کوستریدیکی طوغری یوله کیتدکجه اطاعت ایدرلر، بالعکس طریق
حقدن انحراف ایله ظلم وفسادی التزام ایلدیمی اکا متابعندن
واز کچهرک خلع و تبدیلی دیناً واجب کوررلر .

امامت و خلافت

امامت ایکیدر ؛ صغری ، کبرادر . امامت صغری : نمازده
امامت، امامت کبرا : مصالح ناسی صیانت ایچون امام الانبیا افندمن
طرفندن خلافت طریقیه ریاست عامه در .

(الخلافه بعدی ثلاثون سنة ثم یکون ملکاً عضواً)

حدیث شریفی خلفای راشدین حضراتی خلافتارینک علی وجه الکمال
اولدیغنه اشارت اولوب سائر ائمه مسلمینه دخی خلیفه اطلاق جائزدر . زیرا
ریاستاری رسول اکرم افندمزدن نیابت صورتیه در .

حمایه بیضه اسلام و تنفیذ احکام، اقامه حدود و تجهیز جنود، جمع
عشر وزکات وامثالی امور و معاملات ایچون امت اوزرینه
نصب امام فرضدر . انجق بعض خوارج ایله ، معتزله دن اصم
تغلبدن احتراز ایچون « امت دین قویمه تبعیت ایدرسه نصب امام
فرض دکلددر » دیمشاردر .

امامتک شروطی یدیدر . (۱) عدالت، (۲) علم، (۳) سلامت
حواس ، (۴) سلامت اعضا ، (۵) اصابت رأی و سیاست ، (۶)
شجاعت ، (۷) قریشی اولمقدر .

اشبو شروطی جامع اولمیان ذات منصب جلیل دینی اولان
خلافته مستحق دکلددر . چونکه خلیفه عادل اولمازسه ظالم اولور،
ظالم ایسه لسان شریعتده ملعون اولدیغندن خلیفه اوله ماز .
جاهل ، معلول ، مختل الشعور ، جبین اولورسه احکام شرعییه
تنفیذ و مصالح عبادی رؤیت ایده میه چکی کبی لدی الایجاب
محاربه دن قورقارق حقوقی دینی وامور ناسی حفظ وصیانت
ایده مز، بویله برعاجز ایسه هیچ بروقت ریاست عامه یه اهل
اوله ماز .

شروط مبحوئده امت اصلاً اختلاف ائمه مشدرکه بونلر
متفق علیه در . یالکز قریشی اولمق شرطی مختلف فیه در .
ابن خلدونک بیانی اوزره بدایت اسلامده قریشی اولمق دفع نزاع
ایچون شرط قلنمشیدی . چونکه قریشک اقوام و قبائل سائر
اوزرینه عز و شرفی وار ایدی . اکر قریشدن ماعداده خلافت
تقرر ایتسیدی ، قریشیلر مخالفت ایده جک و بوجله جماعت
اسلامیه آرسنه تفرقه دوشه جک ایدی بوایسه [اقموا الدین
ولا تتفرقوا فیه] نظام جلیله مخالف ایدی . صکره لری قریشده

بوشرف غالبیت قلمدیغندن خلافتده بوشرطه لزوم کورلمدی .
ارتحال نبی بی متعاقب بین الاصحاب خلیفه انتخابنده اوچ رأی
حاصل اولمشیدی :

برنجیسی؛ خلیفه اوله حق ذاتک سیاست اموره و حراست دینه
اهل و مقتدر بولمنسی کیفیتی ایدی . بورأی اکثری انصارک
مختاری اولوب منتخبلریده (سعد بن عبادہ) ایدی . بو
(اسمعوا و اطیعوا وان ولی علیکم عبد حبش) ، حدیث
شریفنه موافق بولندیغندن بالآخره اکثری خوارج ایله عامه
معتزله بورأی قبول ایلشردر .

ایکنجیسی؛ خلیفه سیاست و حراسته مقتدر اولمقله برابر
قریشی اولمسیده مشروط ایدی . بورأیده اکثر مهاجرینک مختاری
اولوب نامزدلری ابوبکر الصدیق ایدی .

(الائمة من قریش) حدیث عالسیله استدلال ایدهرک
مؤخرأ اهل سنت بورأیه قائل اولمشردر .

اوچنجیسی؛ خلافته قرابتک احق اولمنسی ایدی . بوبنی
هاشم ایله انلره تابع بولنانلرک رأی اولمقله منتخبلری حضرت علی
ایدی . (اما ترضی ان تکون منی بمنزلة هارون من موسی) ،
حدیث شریفیله احتجاج ایدهرک بوتون شیعیلرده بورأی التزام

ایلمشردر .

بو اوچ منتحبندن ابوبکر الصدیق اکثریتی احراز ایدهرک اجماع
امتله خلیفه انتخاب اولنمش و سعد بن عبادہ دن ماعداسی کندیلرینه
تبعیت ایلشدر .

بین الامه خلیفه انتخابنده درت صورت وارد :

(۱) شوراسی عامه یعنی اهل حل و عقدک انتخابیه اولمقدر .
حضرت ابوبکر ایله حضرت علینک خلافتاری کی . بو بایده عموم
اهل حل و عقدک بیعت ایتمنی شرط دکلدرد . بلکه — وللا اکثر
حکم الکمل — قاعده فقهیه سنجه اکثریت کافیدر . نته کم سعد بن
عباده خلیفه اول و ثانی یه و اصحابدن بعضیلریده حضرت علی یه
بیعت ایتما مشلر ایدی .

(۲) شورای خاصه ایله یعنی خلیفه سابقک اختیار ایتدیکی بر قسم
مخصوصک انتخابیه اولور . حضرت عثمانک خلافتی کی که
حضرت عمرک تعیین ایتدیکی اصحاب شورای سته نک رأی
و انتخابلریله استخلاف اولنمشدر .

(۳) وصایت و یا ولایت عهد طریقیدر که خلیفه سابقک
شرائط خلافتی حائز اولنلردن برینی ولی عهد تعیین ایدوب
امتک مظهر قبولی اولمسيله منعقد اولور . حضرت عمرک خلافتی کی .
مشارانی جناب ابوبکر ولی عهد تعیین ایتمش و امت طرفندن مظهر

قبول اولمشیدی . عصر اولده خلافت شواوچ صورتله منعقد اولور و خلیفه اجماع امتاه مقام خلافتی احراز ایدر ایدی .
(۴) تغلب و حق سیف طریقیدرکه ناس امامتده اختلاف ایدوب هیچ بری دیگرینک خلافتنه راضی اولمازسه ایچارندن سیاسته مقتدر اولانلردن برینک مقام خلافتنه طالب اولمسی جائز اولور ، امت آنک نداسنه اجابت ایدر و اختلاف طرف اوله رق احوال کسب سکونت ایلرسه خلافتی صحیح اولور .

خلافتده توارث

خلفای راشدین زماننده خلافت ارثی اولمایوب امت طرفندن بالاستشاره انتخاب اولور ایدی . حضرت عمر اصحاب شورایه اوغلی عبداللہی انتخاب ایتدملرینی تنبیه ایتمش ، حضرت علی ده جناب حسن حقنده « لا آمرکم ولا انہا کم اتم البصر » دیهرک بو خصوصی امته تودیع ایتشدی .

خلافتی ارثی قیلان معاویہ بن ابی سفیاندر . مشارالیه بین المسلمین فتنه ظهورندن قورقہ رق اهل و مستحق کورمش اولدینی اوغلی یزیدی ولی عهد تعیین ایلش و بوضورتله خلافت امویارده تقرر ایتشدی . یالکیز بونلردن عمر بن عبدالعزیز خلفای راشدین مسلککله اتباع ایدہرک مشاعیر تابعیندن وفقهای سبعہ دن

قاسم بن محمد بن ابوبکر الصدیقی ولی عهد تعیین ایتک ایستہ دیسه ده امویارک تغلبی سببیه آکا موفق اوله مامشیدی .

آل عباس طریق معاویہ بن التزام ایتدیلر . یالکیز مأمون ، عمر بن عبدالعزیز کبی ، چهار یارکیزین مسلککلی بالالتزام خاندان علیدن علی رضا بن موسی کاظمی ولی عهد تعیین ایتشدی . فقط بونی عباسه کرا کلہرک مأمونک بیعتی نقض ایله عموجه سی ابراهیم مهدی یه بیعت ایتدیلرسه ده ولی عهد مشارالیهک فجأة وفاتی وقوع بولان بونی و فسادی تسکین ایلش و بوندن صکره ده هیچ برکیمسه دیگر خانداندن ولی عهد تعیین مسئله سنی اورته یه قویہ مامشیدی .

آل عثمانده بنی عباسه اتباعاً خلافتی ارثی اوله رق ایغایلدیلر . آل عثمان ابتدالرنده مقام خلافتی حائر اولیوب یالکیز حق حکومتہ مالک ایکن ۹۳۳ تاریخنده خلافت بنی عباسدن کندیلرینه انتقال ایتمش اولمغله خلافت و حکومتی جامع اولشاردر . خاندان آل عثمانک خلافت و امامته استحقاقلری بر وجه آتیدر :

اولا : عثمانایلرک برنجی خلیفه سی بولنان سلطان سلیم خلافت اسلامیہ بی دست کفایتنه الدینی زمان کندوسنه قارشو طورہ جتی بر حکمدار یوق ایدی ، درایت و اعلیتی ده امتی حمایه یه بالغاً مابلغ کافی ایدی .

تایاً : اخر خلفای عباسیه اولان متوکل علی الله سلطان

سليمك كفايتنى تقدير ايدرك خلافتى اكا ترك وتوديع ايتش
وبو كيفيت اهل حل وعقد طرفندن عموماً مظهر قبول اولمشيدى.
حتى علمای مصر و علمای روم دن مرکب بر مجلس عمومى
سلطان سليمى خليفه انتخاب ايدرك سيف شهامتى انك میان همته
باغلمشاردر . ايسته جلوسى متماقب اجرا ايدیلان تقليد سيف
آيينى بوندن نشأت ايتمشدر .

ثالثاً : سلطان سليم قبله گاه مؤمنين اولان حرمين محترمين
خدمت موجب المفخرتتى يد كفايته آلدينى كى الى يومنا هذا
سلاطين عثمانيه ده بو خدمت مقدسه ايله مباهى بولمقده در .

رابعاً : خاقان مشار اليه امانات مباركه ي دست امنيته آلهرق
حفظ وحمايه ايتمشدر . الحاصل صفدر دوران سلطان سليم خان
حق سيف ووداعت و شورای عامه ايله مقام جايل خلافتى
حائز اولمشدر .

اليوم پادشاه زمان سلطان محمد خان خامس حضرتلى ده
ملتك انتخابيله اجتماع ايدن وبا فتواى شرعى اهل حل و عقد
اولدينى ثابت اولان مجلس عمومى ملت طرفندن بالانتخاب
كرسى خلافته اجلاس ايدللكله بالعموم مسلمانلارك خليفه سى
و بتون عثمانيلارك پادشاهيدر . خليفه بالحقه اطاعت لازمه ديانت
اولديغندن بالافعل تابعيت سلطنت سنيه ده بولنميان مسلمانلارك
دخى معنا او مقام قدسيت اتسامه ارتباط دينيارى شرعاً وعقلاً

مبدانده در . بوكا بناء در كه هندده ، اقصى شرقده والحاصل
كافه بلاد اسلاميه ده نام على جناب خلافتناهى به خطبه او قومقده
و معنا اطاعت و انقياد اولمقده در .

بوده اثبات ايدرك مقام خلافتك مقام سلطنت سنيه اولديغنه
بالكز عثمانيلر جه دكل بالعموم مسلمانلر جه اجماع حاصل اولمشدر .
اره صره بمنده اوافق بر دائره ايچنده ادعاى امامت و يا خود
اقصى غريده بر حكومت و امارت طرفندن درميان اولنان
دعواى خلافت شرعاً بر وجهه حائز اهميت دكلدر . چونكه
بونلرده خلافتك شروط اساسيه سندن اولان شوكت و سياست
و حراست دينه قدرتن اثر يوقدر . بناء عليه بونلارك حوزه
حكومتده اولانلرى نظر شرعده باغيردر .

وزارت

مقام خلافتده بولنان ذواتك امور و مصالح دولتى بالذات
تدوير و رؤيتلى قابل اولهميه جنى جهته كنديلرينه ظهير
و معاون اولمق اوزره وزير استخدام ايتمارى ايجابات شرعيه
و سياسيه دن و لوازم حكومت و خلافت اسلاميه دندر .

[ولقد آتينا موسى الكتاب و جعلنا معه اخاه هرون
وزيرا] نص جايلى و (من ولى شيئاً من امورا للناس

واراد الله به خيراً جعل له وزيراً صالحاً ان نسي ذكره

وان ذكر اعانه (حديث شريف ايلهده وزارتك لزومى ثابتدر. مال

على حديث - عهده سنه خلقك امورى تفويض اولنانلرك حسن
موفقيتلىرىنه اراده الهيه تعلق ايدر. اويله صالح بر وزيره مقارن
قيلا ركه اونو تدبى شىلى كندىلىرىنه اخطارده، صكره ده مقتضاسى
اجرا ايچون معاونتده بولنور - ديمكدر .

سلطان انيا افندمزرده وزير استخدام ايتمشلر و بو خدمت
مبجله ايله شىخين حضراتى بكام بيورمشلردر . حضرت صديق
جناب فاروقى ، مشار اليهده حضرت على بنى و ديكر اصحاب
كرامدن بعضىلىرىنى وزير اتخاذا ايتمشلردر .

بين الخلفا امر وزارتده اهتمام و اعتنا ايدىلىش اولدىنى حالده
خلفاى عباسيه زمانه قدر وزارت غير رسمى و يالكز فعلى
و عملى اوله رق دوام ايتمش ، خاندان عباسيه ايسه وزارتى بر
مسند مخصوص اولمق اوزره رسماً تأسيس و توجيه ايتمشدر .

وزير ، كلمه سنك اشتقاقنده علماء سياست اوچ وجهله
بيان مطالعه ايتمشلردر :

برنجيسى : وزارتك اغرلق معناسنه اولان « و زر » دن
مشتق اولمسيدير . بوكا كوره وزير ، حكومتى درعهده ايدن

حكمدارك بارثقىل مسئوليتنه معاونت و رأى و تدبىرى ايله
تخفيف اوزارىنه خدمت ايدن ذات ديمكدر .

ايكنجيسى : وزارت ملجأ و پناه معناسنه كلان « و زر »
دن مشتقدر . بورايله نظراً پادشاه وزيرك تدابير صائبه و آراى
ثاقبه سنه التجاده بولمىش و تسويه مصالح حكومتده حكمدارك
ملجأ و پناهى اولمىش اولور .

اوچنجيسى : ظهير وقوت معناسنه اولان « آ زر » دن
مأخوذ اولمسيدير . بو فكره كوره پادشاه وزيرك رأى و عرفانى
و حسن تدبىرى ايله قوى الظهر اولور ديمكدر .
صفات لازمه وزارت ؛ شريعت و سياست نقطه نظرندن
آلتيدر :

برنجيسى : سلامت حواس و اعضادر . لساننده ويا سمع
و بصرنده آفت و سير و حر كتنه مانع اوله جق درجه ده اعضاسنده
نقصانيت بولنانلر وزير اوله مازلر ؛ چونكه بوكى نقائص ايفاي
وظائف وزارتده برر مانعه تشكيل ايدرلر .

ايكنجيسى : علم و معرفتدر . وزيرك امور معظمه دولتى
اداره ايدجك مرتبه ده اصحاب علم و وقوفدن اولمى شرطدر .
زيرا وزيرك جهلندن نشأت ايدجك اولان اوفاق بر خطاى
اجتهادى دولتك باشنه بيوك بلالر كتيره بيلير .

اوجنجیسی : عدالتدر . شرائط شرعییه بی جامع عدالتدن محروم بولانلر منصب وزارتده اهل اوله مازلر .

دردنجیسی : متانتدر . مصالح جاریه بی وامور سیاسیه بی تدبیر ایچون وزیرک رأی متین صاحبی اولمسی لازمدر .

بشنجیسی : نجات وشجاعتدر . محافظه بلادده و عندالایجاب مجاهده اعدایه مقتدر اوله میان برجین رتبه وزارتده لایق ومستحق دکلدر .

آلتنجیسی : کفایت و اقتداردر . امور حربیه و خصوصیات مالیهده وزیرک صاحب کفایت و اهلیت اولمسی شرط اهمدر .

حکومت اسلامیهده وزارت ایکی نوعدر : بری وزارت تفویضیه ، دیگرى وزارت تنفیذیهدر .

وزارت تفویض ، حکمدار طرفندن وکالت مطلقه بی حائز اولان صدر اعظمک وزارتیدر . چونکه امور حکومت پادشاه طرفندن صدر اعظمه تفویض اولغش و مصالح دولته رؤیت وتسویه سنه وکیل و مأذون بولغشدر . شو حالده صدر اعظم رأی ذاتیسيله باجمله امور ومعاملات دولتی اداره ایدر . والی ، متصرف ومأمورین سائره بی نصب وتعیین وامور مایه وخصوصیات داخایه وخارجیه بی حسبالوکاله تدبیر وتدویر ایلر ، آنک وظیفه سی خارجنده قالانلر همان محدود اولور . مثلاً ، حکمدار

ولی عهد تعیین ایدر . وزیر مفوض بویه براقتمداره مالک اوله ماز . پادشاه وزیرک نصب ایتدیکی ولایه ومأمورینی عزل ایدر . وزیرایسه پادشاهک تعیین ایلدیکی مأموری عزل ایده مز .

وزارت تنفیذ ، حکمدارایله اهالی بیننده اجرای وساطتدن عبارت بر مأموریتدر . بو وزیر امور دولتی تدویره ومهام مملکتی رؤیت وتسویه مأذون وموکل دکلدر . آنک وظیفه سی همان ایکییه منحصر کبیدر . بری خلیفه یه عرض معلومات ، دیگرى حکمدار نامنه اجرای تبایغاتدر .

حکومت اسلامیهده وزارت یالکز بروزیره منحصر اولمیوب ایکی ودها زیاده یه جواز ویرلغشدر . نتکیم حکومت عثمانیهده بونی التزام ایده رک مسئول بر هیئت وکلایی ترتیب و قبول ایلش وبو کیفیت مشروطیت مشروعه مزکده ایجاباتندن بولغشدر .

مشورت

[ولتکن امة یدعون الی الخیر ویأمرون بالمعروف

وینهنون عن المنکر] آیت جلیله سی که معنای منیفی - سزدن ناسی خیره دعوت ایدر وامر بالمعروف ونهی عن المنکر ایلر بر جماعت بولونسون . دیمکدرکه مشورتک مشروعیته ولزومنه دلالت ایدر .

معروف : شرع وعقلك استحسنان ابتدیكى ، منكر : شرع وعقلك قبیح كوردیكى شیردرد . نظم جایله کی خطاب عمومیدن امر بالمعروف ، نهی عن المنكر بتون امت اوزرینه فرض اولدینی و آنجق بوامر مهمك اجراسی احكام الهیهیه و قوف و معاملات ناسه آشنا اولمق کبی برطاقم قیود ایله مقید بولمسنه نظراً بونك فروض کفایه دن اولدینی استدلال اولمقده و امت آره سنده بو وجیهیه آنجق اعلیت و فضایت ایله تمیز ایدنلرك درعهده ایده بیله جکری آکلاشلمقدهدر . چونکه امر بالمعروف نهی عن المنكر هر کس بالذات تصدی ایده جك اولورسه منفعت یرینه مضرت حاصل اوله جنی شبهه سزدر . زیرا شروط مذکوریه واقف اولیانلرك منكر ایله امر ، معروف ایله نهی ایتملری ملایمت یرنده غلظت ، غلظت یرنده ملایمت کوسترملری محتمل و بناء علیه فائده یرینه ضرر ایقاع ایتملری ملحوظ و متبادردر .

شو حالده فرض اولان امر بالمعروف ، نهی عن المنكرده بوانه جق یعنی ملك و ملتك صلاح و سعادتتی دوشونه جك و بالا ستشاره اموراتی تدویر ایده جك اولان هیئت شورانك بر هیئت فاضله و ممیزه اولمسی و بوجهتله مشورتك بر امر مشروع بولمسی آیت کریمه نك بیانات عالییه سی جمله سنددر .

[و امرهم شورى بينهم] [و مشاورهم فی الامر] نظم

جلیللری بالخاصه امر مشاوره نك مشروعتی حقنده شرف نازل اولان آیات بیناتدندر .

کتاب الله ایله منصوص بوانان امر مشورت (المشاورة حصن من الندامة و امان من الملامة) و (لقحوا عقولکم بالذاکرة و استعینوا امورکم بالمشاورة) و (ما خاب من استخار و لا ندم من استشار) کبی احاث پیغمبریه ایله ده ثابتدر .

بنی اکرم افند مزده دائماً اصحاب کراملریله مذاکره بیوریرلر و مصالح امتدن پك چوغنی بالاستشاره فصل و قضا ایدرلردی .

غزوه خندقده اعداء ایله برلشمش اولان غطفانیلرك ترك مخصوصه ایله یرلرینه عودتاری ایچون مدینه منوره اثمارینك ثلثی و یره رك مصالحه اولنمسی طرف رسالتپناهی یه عرض ایدن اصحابدن بعضیلرینه افند من

(حتی اشاور السعود) یعنی سعدبن معاذ و سعدبن عباده

و سعدبن فزاره ایله مشاوره ایدیم بیورمشلر و انلرله مشاوره

نتیجه سی برشی و یرلمه مك کیفیتی اولمغه اولوجهله عمل بیورمشلردر .

اصحاب کرام حضراتیده سنت سنییه یه اتباعاً عمومیتله مشورنده

بولورلر و هر خصوصده مشورتی کندیلرینه رهبر اتخاذایلرلر

ایدی .

حضرت عمر ك امر مهم خلافتى شورايه توديع و مجلس مشورتى دخى تعيين بيوردقارى معلومدر .

حضرت حيدر مشورتى توصيه ايدر وانه ىدى خصلت اولديغنى سويلر ايدى . انلرده (۱) استنباط صواب (۲) اکتساب رأى (۳) خطادن تحصن (۴) ملامتدن تحرز (۵) ندامتدن نجات (۶) الفت قلوب (۷) اتباع اثردر .
اشته بونلر دلالت ايدرکه : اسلاميتده استبداد و تفرد مقذوح و ممنوع ، استشاره و اشتراك ايسه ممدوح و مشروعدر .

استشاره نك صورت اجرائيه سنه كلنجه بونكچون برحد معين يوقدر . ايجابات زمانيه يه كوره حركت اولنور . صدر اسلامده اداره حكومت بسيط و ساده و امتك فضائل اخلاقيه و محاسن فكريه لرى سايه سنده معاملات ناس هر درلو . شوايبدن آزاده اولمغله برابر خصوصيات مهمه ايجونده ا كثرى مسجد شريفده اجتماع ايدر ك مذاكره و مشاوره بيوريلور و بوضورتله اداره امور اولنور ايدى .

اوائل دولت عليه ده دخى امور حكومتده مشورت اولنور . واحوال فوق العاده ده سنجاق بكلى و اوجاق اغالىر كى امور ديده و كار آزموده برطاقم اعيان ملت جمع ايله مجلس مشورت عقد اولنور و انلرك رايارى سورولور ايدى . انجق سطوت حكومت اكثر يا بونلرك رايته غلبه ايدرور اى حكومت حكمران اولور ايدى .

شمى ايسه بمنه تعالى مشروطيت مشروعيه و حریت اساسيه تأسس ايتمش اولمغله فى زماننا لازم اولان شى ، امور كورمش مملكتك تجارت ، زراعت و قابليت استعدادينه و قوف حاصل ايش و بين الامه امانت و استقامتله شهرت بولمش عامادن ، امرادن ، تجارت و هر صنف كزیدكانندن برطاقم ذواتك مبعوث اوله رق انتخابيله انلركده امور دولت و مصالح ملتى عدل و حقانيت دائره سنده رؤيت و تسويه يه نصب اهتمام ايللرندن عبارت قالير .

مشورتر ناظم احوال ملك و سلطنت
مشورتر امته مصباح مجد و مسعدت
مشورت هرامروكار مشكلى آسان ايدر
حضرت حق لطفايدوب توفيقى احسان ايدر

اقرن برأىك رأى غيرك واستشر
فالحق لا يخفى على الاثنين
للمرء مرآة تربه وجهه
ويرى قفاه بجمع مرآتین

ان اللبيب اذا تفرق امرء
فتق الامور مناظر او مباشر
واخوالجهالة يستبد برأيه
فتراه يعتسف الامور مخاطرأ

حاصلی بالاده ذکر و اتیان اولنان آیات جلیله قرآنیه .
اقوال و افعال سنیه نبویه مشورتک وجوب مشروعتنی اثبات
ایتمکده اولدینی و مشورته کسب استحقاق ایتک ایچون صفات
لازمه اهلیته ده اعتنا اولمنی و صایای شرعیه و مقتضای سنن
نبویه دن بولندینی ثابت اولمقده در . بناء علیه کندیسيله استشاره
اولنه جق و راینه مراجعت ایدیه جک ذواتک حال و شانلری
نظر اعتباره آلفق لازمدر . صفوت فکر ، جودت قریحه ،
قوت نفس ، سلامت حس ، وقوف و اطلاع ، تجربه امور ،
صدق و صلاح کبی اوصاف ، اسباب اهلیت و کفایت جمله سنددر .
بورالر معلوم اولدقدن صکره آرتق بزه ترتب ایدن وظیفه
موافق شرع شریف اوله رق تأسس ایتمش بولنان مشروطیتمزک
قدرینی بیلهرک مجلس مشورته کی وکیل و مبعوثلریمزک مظهریت
و موفقیتلرینی تمی ایتک و شونخشایش ربانینک شکرینی ایفا
ایلمکدن عبارت قالیر .

احکام بغات

بغات : بغیر حق خایفه یه اطاعتدن خروج ایدن فرقه
عاصیه در . اهل خروج اوچ قسمدر :
برنجیسی : قطاع طریققدر که اطاعتدن خروج ایله قتل
نفوس و غصب اموال فضایلچنده بولنان و ابنای سبیلک امنیتنی
سلب و ازاله ایلان گروه اشقیادر که بوده درت قسمدر :

(۱) شقاوت و قطع طریق جرأتنده بولنوب انجق قتل و غصب کبی
برکونه مفسدت ایقاعنه فرصتیاب اولمه دن اخذ و گرفت اولنانلر در که
بونلرک جزالری تعزیر و ضربدن صکره حبس و توقیف ایدلمکدر .
[اوینفوا من الارض] آیت کریمه سنده کی نفی دن مراد بوجبسددر .
(۲) یالکز سرقت و غصب مال ایدنلر در . بونلرک شرعاً جزالری
سرقت ایتدکلری مال بهری ایچون نصاب سرقت (۱۰) درهم
کמוש و یا بوقیمتده اولان برمال (بالغ اولورسه علی الخلاف
برالی و برایاغی قطع اولنمقدر .
(۳) یالکز قتل نفوس فضیحه سنده بولنانلر در . بونلر
جزاء یعنی « حد الاقصاصاً » قتل اولنوب نمازلری قیلنمیه رق دفن
اولنورلر . بوبابده ولی مقتولک عفوی صحیح دکدر .
(۴) قتل نفوس و غصب اموال جرأتنده بولنانلر در .
بونلرک جزالری ایسه شوآلتی صورتدن بریله در اوده :
اولا قطع صکره قتل و یا قطع بعده صلب و یا هراوچینک اجرایی
یا خود قتل و صلب یا خود یالکز قتل و یا یالکز حیا صلب
اولنمقدر .
اهل خروجدن ایکنجیسی : بغاتدر که عن تأویل دائره
اطاعتدن خروج ایلان زمره در . بونلره اولاً نصیحت ایدیلهرک
شبهه لری دفع و ازاله اولنور و انقیاد و اطاعته دعوت ایدیلور .
فکر و عصیانلرنده اصرار ایدرلرسه قتللری ولدی الایجاب حصر

وتضييق ايدملري لازم اولور . اسيرلرنده خليفه مخيردر ، استرسه قتل ايدر استرسه توبه ورجوع ايدنجهيه قدر حبس ايلر .

اهل بنی ايله حرب ايدوب قتل اولنانلر شهيد اولمغه بلاغسل قانلريه دفن اولنور و نمازلى قيلنور باغيلردن قتل اولنانلر ايسه غسل وتكفين ايديلهرك بلاصلاة دفن ايديلور .
اوچنجيسى : خوارچدر بونارده عن تأويل عصيان ايدرلر - سده بغات كې يالكز اطاعتدن خروج ايله قالميه رق مال وجاني استحلال ومذهب وعقائدى استقباح كې برطاقم مفاصدى التزام ايدرلر كه بونارك حكم وجزاسى بالاتفاق بغاتك جزاسى كيدر .
نتكيم حضرت على بونارى قتل وجمعيتلرينى پریشان ايلشدر .
بونار لسان پيغمبرى ايله ملعوندر (الفتنة نائمة لعن الله من ايقظها) حديث شريفى مضموننده داخلدرلر .

قصاص

(ولکم فی القصاص حیوة) جناب حق بو آيت كريمه سنده

قتل نفس ايچسون مهابت افزا برجزا تعيين بيورر كن ازاله حياتدن عبارت اولان قصاصى ضدى بولنان حياتنه ظرف قيلمش وقصاص ايچنده حيات بولنديغنى بيان بيورمشدر . فى الحقيقه برکيمسه ديكرينى قتل ايلديكى حالده قصاصاً كنديسنك نه قتل ايديله جگنى ملاحظه ايدنجه قتلدن فراغت ايلر بوجهتله قصاص

قاتل ايله مقتولدن هرايكيسنك ده حياتنى محافظه ايلر .

قاتل اوليائى مقتولك كنديسنى قتل ايده جگيرينى دوشونهرك نفسى صيانة انلركده قتلنه تشبث ايده جگندن قصاص ايديلنجه انلرك حياتلري محافظه ايدلمش اوله جنى كې قاتلك قصاصاً اعدامندن ديكرلري عبرت آله جنى جهتله بويوزدن برچوق قتللركده اوكى النمش اولور بنام عليه قصاصده حيات عظيم واردر .
قتل حرامدر وبش قسمدر .

برنجيسى : قتل عمددر كه معصوم الدم اولان بر آدمى آلت جارحه ايله قصاصاً اوروب اولدرمكدر .

ايكنجيسى : شبه عمددر كه مصون الدم اولان بر شخصى آلت جارحه دن بشقه — صوبا وطاش كې — برشى ايله قتل ايلمكدر . امامين حضراتى قتل عمدى : وصف سابقى حائز اولان بر آدمى وجود انسانينك تحمل ايده ميه جكى برشى ايله قصداً اوروب اولدرمكدر ديه تعريف ايتدكلرندن شبه عمد مشار اليهمايه كوره قتل عمددر .

اوچنجيسى : قتل خطادر كه بر آدمى قصده مقرون اولمق سزىن يا كلشاق ايله تلف ايلمكدر . بوخطا ايكي نوعدر برى : فاعلك ظننده خطادر — آ و ظنيه برينه قورشون آتوب آنى تلف ايلك كې ، ديكرى : فاعلك فعانده خطادر ، صيده آتيلان قورشونك بر آدمه اصابته قتل اولمى كې .

در نجیسی : خطا مجراسنه جاری اولان قتل در که فاعلن
لا: ایجاب صدور ایدن قتل در یوکسک بریردن قضاء بر آدمک
اوزرینه دوشوب آنی اولدرمک کبی .

بشنجیسی : قتل سبدر یعنی بر آدمک قتلنه سیب اولمقدر،
غیرک ملکنه صاحبک اذنی اولمقسرین بر قیو قازوب اکا
بیلیمه رک برکیمسه نک دوشوب اولمسی کبی .

اقسام مذکوره دن قتل عمدک موجبی [کتب علیکم القصاص

فی القتل] نص جلیلی وجهله قصاصدر . چونکه قتل عمد بر
جنایت کامله اولدیغندن اکا ترتب ایدن عقوبتک ده عقوبت کامله
اولمسی لازمدر .

آنحق خواجه عالم شارح اعظم افندمن (ادرؤ الحدود

بالشبهات) بیوردقلرندن وحدودده قصاص ده داخل بولندیغندن
فعل قتلده شبهه قائم اولدجه قصاص اجرا ایدلمیه رک تعزیر ایله
اکتفا اولنور .

قتل عمددن ماعدن قتلرک موجبی دیتدر . آنحق شبهه عمدده
برکیمسه دیکرینی صوابا ایله ضرب ایدوب اوضربدن مضروبک
برعضوی مجروح اوله رق متأثراً وفات ایلسه قصاص لازم
اولور .

تسببا قتلده دیتک لزومی متسببک قتلده سببیت ویردیکی فعلی
حقسز اوله رق ایشله مییله مشروطدر . متسبب حقیقی اولورسه
اکا دیت لازم کلر . مثلاً برکیمسه کندی ملسنده برقیو قازوب
اکا بری دوشه رک تلف اولسه متسبب کندی ملکنده تصرف
ایدوب فعل حفرده متعدی اولمدیغندن دیت ایجاب ایتمز .

تسبباً قتلدن ماعدن قتلر حرمان ارث ووصیتی یعنی مقتولک
میراث ووصیتندن قاتلک محروم بولمنسی موجب اولور .

قتل عمدده بر مقتضای حدیث شریف شبهه بولنورسه قاتلدن
قصاص ساقط اولمقله برابر قتل کبی بر معصیت عظیمه پی ارتکاب
ایلدیکندن قاتل تعزیره مستحق اولدینی کبی شبهه عمدده دخی
دیتک لزومیه برابر قاتله تعزیر لازم کلیر .

تعزیر

تعزیر : لغتده مطلقاً تأدیبدر . اصطلاح شرعده حدک
مادوننده اولان تأدیه اطلاق اولنور . حد ایله تعزیر بیننده فرق
وارددر .

حد : حقوق الهیه دن اوله رق واجب الاجرا بر عقوبت
مقدره در ، یعنی کتاب ، سنت ویا اجماع امت ایله بیان ایدلمش
بر جزادر .

تعزیر ایسه : عقوبت مقدره اولیوب رأی امامه مفوضدر
برده حد شبهات ایله ساقط اولوب تعزیر ساقط اولماز احوال

ناس متفاوت اولمقله تعزیرك درجاتی ده مختلفدر . گاه توبیخ ، گاه حبس ، بعضاً ضرب ، بعضاً ده قتلدر . علی قول اخذمال ایله ده تعزیر اولور .

انجق تعزیرده مصلحت عامه بولملی و تعزیری موجب اولان حال دخی غلبه ظن حصوله کافی امارات و قرائن ایله ثابت بولماید .

الوهیت

جسمی اوج آرشون برمنزاره صیغان فقط کبریای ادراکی عالمیره صیغمیان انسان ؛ نظر تجسسی بتون کائناته و عرش رحمانه قدر اماله ایتمش و عالمیری کف ادراک کنه صیغدیرمغه چالشمشدر . هنوز برپاراغك ، برقبضه خاكك ، برقطره صویك نه دن عبارت اولدیغنی بیلمدیکی برزمانلرده بیله قدرت محاکمه سنی بوکی عظیم مسائلک حلی ایله اشغال ایش ، کندی ماهیتندن برشی بیلمز ایکن انظار تحریسیله واجب الوجودی آرامشدر . بوتحریسنده — مشعله بارقه افشانی ؛ مهبط اسرار و الهام اولان وجدانی اولدیغندن — موفقه اولمشدر ، چونکه ، — الله وار ، — دیشدر . مع هذا بشریتی بیکلرجه سنه در اشغال ایدن اک مهم مبحث شبهه یوقدرکه (الوهیت) فکریدر .

فکر بشرک تاریخ تکاملی نظر امعانه النیرسه کوریلورکه انسان الوهیت عائد خصوصاً صانده برقاچ شکل و صورت بولدقن صکره بونلره دیکر

بر شکل علاوه سنده اظهار عجز ایشدر . یعنی الوهیت فکری چوقدنبری حدغایه تکاملی بولمش اولوب آرتق بوفکر حقنده بشریتك ترقی کوسترمی ویکی برشی بولمی غیر ممکندر .

الوهیت فکری ایچون ادراک انسانیده اوچی مثبت وبری منفی اولق اوزره درت صورت وارددر (۱) فکر تشبیهی (۲) فکر تنزیهی (۳) فکر توحیدی (۴) فکر انکاری .

فکر تشبیهی . — صانع تعالی حضرتلرینی محسوسات و مادیاتدن برشیته تشبیه ایلک ، اوکا محسوس و مادی بر موجودیت ، بر جسم عطف ایلکدر بوفکر ایکی صنفه تقسیم ایدیه بیلر .

(۱) آدم پرستی .

(۲) اشیا پرستی .

اشیا پرستی ؛ بت پرستك دیمکدر . اقوام وحشیه و ابتداییه مخصوص اولان بوصورت فکریده هیج بر علویت ، هیج بر حکمت یوقدر . بویله بر دینه سالک اولانلرک سائق یالکتر خوف و منفعتدر . آدم پرستی ده ایسه دین برشور و خیال شکلن آیر . اسکی یونانیلرده بوشکل شاعرانه و قدیم هند و مصر لیلرده کی بوشکل خیالکارانه حدغایه بی بولمشیدی .

افراط پروراندن بعضیاری دیرلرکه بالجمله ادیانده و فکر الوهیتک هر شکلنده آدم پرستیدن بشقه برشی کورولمز و عمرنه شکله تصویر ایدیلورسه ، ایدلسون ، نصل سوزلرله افاده اولنورسه اولنورن فکر الوهیت عند التحلیل

بر آدم پرستیدن عبارتدر . بودعوانك آنجق بر قسمی طوغریدر .
(اناعندظن عبدی بی) حدیث قدسیسندہ بر اعجاز و ایجاز
ایله خبر ویرلدیکی اوزره عامه بشرک عنقای عقلی انجق کندی
حدودینه قدر طیران ایدہ بیلور .

خرستیانلرک حضرت عیسانک الوھیتنه ، قتولکلرک پاپانک
لایخطیایکنه ، نصیری و درزیلرک حاکم بامراء حقندہ کی اعتقادات
باطلہ یه قائل اولشلی هپ آدم پرستیلک محصولیدر .

استطراد نصارا آدم پرستیلک محصولدن اوله رق
حضرت عیسایی بیولته ، بیولته الوھیت درجه سنه وار دیر مشلردر .
نبی ذیشانہ (انسان الله) دیدکلری کی (الله انسان) دخی
دیمشلردر . بوکی مشوش تعبیرلردن مقصدلری جناب عیساده
حقیقت الہیہ ایله حقیقت انسانیہ نك اجتماع ایتدیکی ودها طوغریسی
عیسانک هم الله هم انسان وحتی تام الله ، تام انسان اولدیغنی
بیلدیرمکدر . انجق قدرت الہیہ نك بیلہ تعلق ایتدیکی بوکی جمع
اضداده ودها برچوق امور متباینه و متخالفه بی تألیفه عالم
نصرانیت کندنده بر اقتدار کور مشدر .

نصارانک زعمنجه ؛ ابوالبشر حضرت آدم شجره ممنوعه دن
اکل ، یعنی جناب حوایه تقرب ایتدیکندن طولایی درجه
ملکیتدن درکه بشریته سقوط ایتمش ، غضب الہی یه دوچار
اولمشدر . وفاتندن صکره ده ارتکاب ایتدیکی شو جنایت عظیمه دن

ناشی نار جحیمه آتیش و شو معصیت اولاد واحفادینه ده
انتقال ایدرک هربری بعدالوفات بابالرینک دوچار اولدیغنی عذاب
جحیمده اکا پیرو اولمشلردر ، انجق انبیا و مرسلین حضراتنک
شانلرینه حرمة آنلرک ارواحی جهنمه ایصال ایدلمه مش ،
فقط معصیت آدمدن بری جنتک قبولریده قیامتیش اولدیغندن
آنلرک ارواحی جنتک کشادینه قدر اعرافده توقیف ایدلمشدر .
صکره جناب حق کمال لطف و کرمندن انسانلری شو کرداب
بلادن ، جداءالرینک او معصیتندن خلاص ایتک ایستر لکن
نصل قور تارملی ؟ برکره کندیسیرشی امر ایتمش ، « آدم » اکا
انقیاد ایتمه مش قانون الہی یه توفیقاً « آدم » دوچار مجازات اولدیغنی
کی قانون وراثت موجبنجه بو حال اولادلرینه ده سرایت ایتمش
بونلری عفو ایدیویرمک او قانونی بوزمق دیمکدر . بوايسه قابل
دکلدر . انک قابل اوله بیلیمی ایچون او کناهدن وارسته برکیمسه
اولمی ، نفسی فدا ایتلی بعده جمعیت بشریہ یه شفاعت ایللی لکن بونی
کیم یاپه جق ؟ دنیا یه کیم کلیرسه معصیت موروته یوکنک آلتندہ
ازیلهرک کلیور . اوله بر معصومی زده ده بولمی که شفاعته اهل
اولسون ؟ انبیا و مرسلین و بالجمله نوع بشر ایچنده معصوم بر فرد
بولنمیور . انجن برذات وارکه انسان ذریتندن دکل . اوده ابن الله
جناب حق بو اوغلنی فدا ایدرسه مقصد حاصل اوله جق ، جمعیت
بشریہ عذاب ناردن قورتیله جقدر . شو قدر وارکه : ابن الله

اللهم بن بشقه برشی اولدینی ظن ایدلمه مایدر. اوغلی ذه کندیسیدر.
 شو حالده ابن الله صفتیه کندینی فدا ایده جکده اودر.
 جمعیت بشریه نك تخایص ایچو خالق عالم حضرتلری روح -
 القدس واسطه سیله اوغلی عیسایی جناب مریمه القا ایتمش واندن دنیا یه
 کیشدر عیسا کنه کار انسانلر اوغرنده برچوق آلام واکداره معروض
 اوله رق ونه ایت چارمیخه کر یله رک اولمش، دفن ایدلمش،
 جهنمه اینمش، اوچنچی کونی دیر یله رک وسمواته صعود ایدرک قدر
 مطلق پدرک صاغ جانبنه اوتورمشدر. اورادن یوم قیامتده تکرار
 کله جک، اولولری و دیر یلری محاکمه ایده جکدر. [علم حال نصاری]

تثلیت

نصارا: اب،، ابن، روح القدس دن عبارت اولان اشخاص
 ثلثه نك تشکیل ایتدکلری الله واحده «تثلیت» نامنی ویررلر. بونلرک
 اشخاصی بشقه اولوب قادر مطلق سماواتده مقام مخصوصنده سلطنت
 نشین اوله رق ابن صاغ طرفنده، روح القدس صول طرفنده
 طور مقده ایه لرده ینه بونلرک اوچندن عبارت اولان [الله]
 بردر. ابده الله، ابنده الله، روح القدس ده الله در. لکن اوچ
 دکل برالله در. فقط بونلرک نه دیمک اولدینی اکلا شلمیور. و بونلره
 عقل ایرمیور دکلکی؟ ذاتاً اولره عقل ایردیره یم دیمک نصرا -
 نیتجه کفر در، بولر سرائر نصرا ایتدندر، قورجالمغه کلز.
 اولدینی کبی قبول وایمان ایتک خرسیتیا نلک ایجاباتندندر.

بر مسئله وارد خاطر اولور. اوده، ابن الله عیسا، قادر مطلق اب کبی
 قدیم میدر، یوقسه دنیا یه صکره دن کلدیکندن حادث میدر.
 وقتیه «آریوس» نامنده بر راهب بونی میدان بحث وجداله
 قویمش. اب، مقدم، ابن، مؤخر در دیره رک ابن الله ک حادث
 اولدیغنه قائل اولمشیدی.

انجق ابن الله ک حدوشدن تثلیت مقدسک بطلانی لازم
 کله جکی جهته از نیک جمعیت کثیره ره بانیه سی طرفندن «آریوس»
 تکفیر وتلعین وجمعیت مزبور برهان ودلیل سر دینه لزوم
 کور مکسزین قرار آتی بی اعلان ایلشدر: هرکیم ابن الله ک
 موجود اولدینی وهنوز تولد ایتدیکی بر زمان بولندیغنه،
 اولدن بری موجود اولیوب صکره دن ویاخود عنصر الهیدن بشقه
 بر عنصر دن خلق ایدلدیکنه، حادث و متغیر اولدیغنه ذاهب اولورسه
 مقدس و عمومی نصرا نیت کلیسایی طرفندن مطرود و ملعوندر -
 ایشته بو صورتله «آریوس» تکفیر ایدلدی بعدما او کبی
 کفر یاته یعنی تعدیلات وتصحیحاته جرأت ایده جک کیمسه
 بولمندی. «انتهی»

شریعت اسلامیه ایه فکر تشبیهی بی قطعاً رد ایدرک انک
 کفر محض اولدیغنه حکم ایلر.

فکر تنزیهی، جناب حق هر درلو تشبیهات و محسوسات دن
 بری ومنزه طوتمقدر. انجق فکر تنزیهی ایله جناب حق معرفت

ممکن اوله‌ماز چونکه فکر تنزیهی هیچ برشی اثبات ایده‌میوب
بالعکس هرشیئی نفی ایدر، جناب باری اوله‌ده دکل، بویله ده
دکل دیه‌رک بتون نعوت وجودی سلب ایلر. حتی قوه محاکمه‌لری
نقصان اولاناره چوق کره تنزیه ایله عدمی شیء واحدکی کوستر.
روحانیون مسلکی فکر تنزیهی اوزرینه مؤسدر. فلسفه
روحانیون و خرسیان الهیاتنه کوره صانع تعالی برشخص
روحانیدر.

اسلامیت ایسه جناب حق شخصیت؛ روحانیت کی محدود
ومتناهی برشیله توصیف ایتمز و بوکی اوصافدن هیچ برشیئی
حضرت الله اسناد ایلز.

فکر توحیدی. - تنزیه ایله تشبیهی نقطه حقیقتده جمع ایدن
وبالجمله ادیانک سرائر و حقائقنی جامع اولان بر عقیده اسلامیهدر.
کلمه جامعه [لا اله الا الله] الله فکر توحیدی تماماً افاده ایدلمشدر.
بو حقیقتی (لیس کمله شیئی و هو السميع العليم) آیی لاهوتی

ربلا غتله ایضاح انمکدهدر، (لیس کمله شیئی) تنزیه مطلق
افاده ایدر. اکر وصف الهی بوقدرله برقیله ایدی ادراک بشره
خطاب ایدلماش اولوردی. چونکه جناب باری هیچ برشیئه
بکزه من دیمک ادراک بشرده کی صور موجوده ک هپسنی الطال
اولور. و بویله بر توصیف ایله برشی بیلدیرلمش صایلمایه جنی کی

بیلمک امکافی ده سلب ایدلمش بولنور. و اوحالده [وما خلقت
الجن والانس الا لیعبدون] آیتی حاشا معنا سز قالیردی.
بالکمز [السمیع العلیم] ده شبیه مجرد افاده ایدر اکر جناب خالق
بلا تنزیه و بو اوصاف ایله تعریف ایدلسیدی آدم پرستی منزله‌سنه
دوشولوردی فکر توحیدی ایسه بو ایکی جهتی نقطه حقیقتده
جمع ایله جلوه نما اولور.

«لا اله الا الله» کلمه توحیدی یکدیگرینه ضد و حقیقتده ایکیسی
شیئی واحد اولان (لا) و (الا) عبارتدر.

بشرك فهم و ادراك ایتدیکی شیلر بوانیکی وحدتن (لا) و (الا) دن
خارجه حقیقه‌ماز چونکه یا اقرار و یا انکار ایله بیلنیر بیلمک ایسه
بر موجودیتدر شو حالده بتون صور موجودیت شو کلمه طبیعه‌ده
داخلدر. انسا لمرک بیک درلو ترا کیم ایله بیک درلو لسان ایله
بیک شکل و صورتده کاه انکار و اقرار مقصدیله ذکر و تکرارینه
محکوم بولندقاری کلمه بودر.

ذات، صفات، افعالی

ذات. - برشیئک بتون آثار و صفاتنک مصدر و مرجعی
اولدینی اساسدر. ذات ایله جوهریننده فرق واردر. جوهر.
برشیئک خواصی، ذات ایسه اوشیئک ماهیتیدر. موحدین،

ذات برشیدك مجموعه صفات و افعالندن عبارتدر دیرلر . مادیون
ایسه ذات ، بروهمدن و بزم تجربه و تدقیقمزدن خارج قلمغه
محکوم بر موجود معقولدن عبارت اولدیغنی ادعا ایدرلر . طبیعو-
نده بو خصوصده افکار مادیونه میل ایدرك « بز ، ذات و موجود
دینلن بر شیشه تماسدن و اونی ادرا کدن عاجز . بزم فهم و مشاهده
ایده بیلدیکمز شیلر الوان ، اصوات ، حرکت کبی اعراضدر ،
دیرلر .

بوراسی طوغریدر . و بو نقطهده حکمت اسلامیہ ایله فن
برلشیر . تصوف اسلامی به کوره ذات نامتناهی ، اوصاف نا
متناهیسنك عینی یعنی مجموعیدر .

شو حالده ذات ، اوصافك حقیقت و ماهیتی اولور . لکن ادراك
بشر اشیا به نظر ایلدیکی وقت اوصافك بر قسمی زمان و مکانه
مفتقر اولورق کورر یعنی ذاتی کوره من اوصافی کوره بیلور .
بر آن غیر منقسمده بر ذاتك بتون اوصافی کوريله بیلسیدی انسان
برشیدك ذاتی کورمش اولوردی مادامکه برشیدك بتون اوصافی
کوره من شو حالده اوشیدك ذاتی ده کوره من و حقیقتی بیله من
ایشته بورایه قدر فن ایله دین متفقدر . لکن حقیقت ذاتی
کوره میورز دیه اونی انکاره اقتدار من یوقدر . چونکه بز
الوانی کوریورز . فقط رنگی قبول ایدن برشی ، بر ذات

اولسیدی نه رنگ اولوردی ، نه ده کوریلوردی اصواتده بویله در .
صدا چیقاران برشی ، بر ماهیت اولماسیدی اصواتده اولماز ایدی .
شو حالده ذات حقك کوريله مه مستندن وجودینی انکار ایتك
طوغری اوله ماز .



استطراد

اسلامدن باشقه هانکی ملت اولورسه اولسون « الله » دینجه کوزلرینی سمایه قالدیرر . نیچون ؟ سماده نه واردر ؟ بونک سببی شودرکه خرافات اولین واسطیر متقدمین زمانلرندن بری بتون ملتار جناب حقہ قرارگاه اولمق اوزره کوکلری مناسب بولمشلردر . نصرانیت دخی بوبطلان قدیمی ازاله ایدمه مشدر . حتی حقایق حکمت اسلامییه تماماً واقف اوله میان بعض مسلمانلریله اسم الله یاد اولندیغی زمان کوزلرینی کوکه توجیهدن کندیلرینی منع ایدمه میورلر .

جهانده ایلک دفعه اولمق اوزره [ثم استوی الى السماء وهی

دخان] دیان دین اسلام اولدیغی ، ومقام معنوی الهییه دلالت ایدن سمانک واندکی عرش وکر سینک معنالی هپ بشقه شیلر اولوب معنای فنیسنجه سما و ملک محل مصابیح واجرام اوا یغنی کوسترن قرآن عظیم الشان بولندیغی حالدده بوتوجه اسلام ایچون عیب صایلمازمی ؟

اهل تحقیق اسم الله یاد اولندیغی قدره اللرینی قیلری اوزرینه قویه رق سرفروبرده تسلیمیت اولورلر . بودهاطوغری دکلیدر ؟ سما وارمی ؟ یوقی ؟ وارسه اوراده نهلر وار ؟ بودعوالری ، بوغوغالری ارباب شک واشتباهاه براقه لمده شویله بر موازنه یاپه لم : اسم الله یاد اولندیغی زمان مسلمانلردن برقسمنک سمایه توجه ایتمی سمت راسمزده آثار قدرت الهیهی وملیولرله اجرام نورانییهی نظر حیرتله کوردکلریچون اوله بیلور . انجق کره ارضمن نوعیت جهتیهلر سمادن زیاده قدرت الهیهی حاوی اولدیغی وخلائقک انواع وکثرتی حسبیهلر یویوزی آثار قدرتک دها زیاده حیرتبخشا بر مشهری بولندیغی شبهه سزدر .

شو حالده « الله » دینجه نظر منی اوزاقلره سوق ایتدکه مجبور اولمیه لم . یقینلر مزده بولنانلرده قدرت بالغه صمدانییهی مشتمل بولنمقده در . صاحب مشنوی ، مولانا جلال الدین رومی بیورر لرکه :

گفت پیغمبر که حق فرموده است
من نکنجم هیچ در بالا و پست
در زمین و آسمان و عرش تیز
من نکنجم این یقین دان ای عزیز
دردل مؤمن من نکنجم ای عجب
کر مرا جویی در آن دلها طلب

قرآن کریم حق تعالیٰ نیک سماواته بولند یغنی ردایتدیکی کبی
حکمت اسلامیه جناب حق مکندن منزہ قیلار .
حق تعالیٰ نیک عرش اوزره استواسی ، بر محل تعیین دیمک
دکدر . زیرا بویه اولسه جناب حق مکانه احتیاجی لازم کلیر .
کتاب کریمده بر قرارگاه الهییه اشارت بیوریلیر [ونحن
اقرب الیه من جبل الورد] یعنی بزانشانه شاخ طمارندن دها
یقینز دنیلیر . البته قلبمزدن عبارت بولنان بیت الله بزم بزلکمزه
شاخ طمرندن دها یقیندر .
ایمدی کندیمزی حق ، حق کندیمزه اوزاق کورمیوبده
حق کوکلز ایچنده بولورساق فیوضات الهیهدن حقیه تقیض ایتمش
اولورز . فیض حق عمومیدر ، بتون کائنه ساری وجاریدر .
طاشلر ، اغاچلر بیلر بو فیض الهی دن حصه باب ایکن ترقیات
علمیه ومدنیهدن بتون اقوامی کچمش اولدقلری ادعاسنده بولنان
بعض اوروپا و آمریقالیرک حالا وجود باری بی اکلایه ماملری
بوزوالیلر ایچون نه یمان بر فیض سزک . نه غریب بر موفقیت سز لکدر ...
[الحمد لله علی دین الاسلام]



فتاویٰ مهمه

﴿ فی الشریعة الاسلامیه فی المحاکم العثمانیه والمصریه ﴾

ومباحث فی الاصلاح الاسلامی

مجموعه من فتاویٰ مشایخ الاسلام الرسمیین فی الآستانه
بالحکم بالمذاهب الاربعه عند الحاجة وصدور اراده
السلطان بذلك

ومباحث العلامة الشیخ جمال الدین القاسمی الدمشقی
والمرحوم الاستاذ الامام

الشیخ محمد عبده ، وصاحب المنار

نشرت فی مجله المنار لصاحبها

السید محمد رشید رضا

وحقوق الطبع محفوظه له

طبع بمطبعة المنار : مصر

سنة ۱۳۳۱ هجرية قریة - ۱۲۹۱ هجرية شمسية

کشتی شینکندران الاصل
۸-۸۰

Cekirdek sokak No. 6

Istanbul, Baglikas, Vigne

Alasanyali

H. Cenal Og

VAIZ